

晚晴籟詩匯

第二六册

晚晴移詩匯卷六十五目錄

尹繼善 十七首

陳宏謀 一首

尹會一 二首

張廷琰 一首

陳祖范 十三首

楊炳 一首

張江 一首

王步青 二首

胡蛟齡 三首

范咸 五首

紀達宜 十六首

帥念祖 二首

徐以升 一首

魏元樞 一首

陶士傑 二首

鄭方坤 三首

翁運標 二首

欽璉 二首

馮允升 一首

柯煜 三首

傅澤布 一首

官保 一首

陶士儂

二首

沈青崖

三首

蔡時豫

一首

吳夢旭

一首

吳象弼

五首

鄭世元

四首

曹庭樞

四首

藍鼎元

十首

宋來會

二首

張埴

二首

晚晴移詩匯卷六十五

徐世昌

尹繼善字元長號望山滿洲旗人雍正癸卯進士改庶吉士授編修官至文華殿大學士加太子太保贈太保諡文端有尹文端公集

詩話文端累歷中外五十餘年在江南最久嘗一月間兼攝九印簿書真委判決恢然猶與諸生論文課詩公餘一卷一鐙如老諸生寒暑不輟好作詩詩成喜人吟聽至頓挫處手爲拍張或半字未安必嚴改乃已詩沿溯中唐而以劍南石湖爲宗冲融和易動中自然適肖其爲人薨後畢中丞沅嚴侍讀長明選刻十之三

次孫端人韻送別王次山鍾仲恆

金汁江頭雨未收行人欲別意還留離觴共勸他鄉酒落葉初飛滿路秋一顧空羣傳冀北萬山何處憶蠻州知心

自是難分手況值天涯久宦游

過燕子磯游永濟寺偶用壁間韻留贈默默上人

每過雲藍便繫船非關前路受風偏
秋殘野岸丹楓冷水落空江翠壁懸
月色微茫僧入定鐘聲斷續客初眠
回思十七年來事似與名山有宿緣

讀劉皋聞便是離家莫憶家句有感再用前韻

老去逢春興轉加軒亭喜傍水之涯
須知小住誰非客卽便同歸那是家
擬上虛舟還載酒更邀別院看移花
枯枝落水皆堪賞何必樽前有麗華

和袁子才新春見贈

桃源咫尺謫仙人春浪初生遞錦鱗
爆竹聲中消短鬢梅花香裏著閒身
雲歸野岫光何淡雪霽平林景更新
每有

詩成先寄我老來筆墨轉相親

壬午七月石庵學使重過西園話舊仍用不繫舟小

集韻

積雨初收晚吹涼西園留客對晴光重來漸覺知交少

庚辰

同事諸人已去過半

老去空添鬢髮蒼遠樹煙籠鍾嶺翠平地波泛

藕花香銜杯話到當年事殘暑疎星句未忘

石庵見贈詩有坐來殘暑

間新涼檐際疎星帶燭光之句

棲霞勝處易句留記否前番韻屢酬松柏慣逢如舊雨溪

山正好是新秋

石庵適自棲霞來

君應回首吟晴黛我亦相思夢

碧流何日聯鑣苔徑裏招攜同上最高頭

壬午秋日劉圃三學士重過西園喜賦二章仍用見

贈韻

檻外晴空豁素襟西園重喜共登臨幽窗風過蓮香遠曲
岸煙凝柳色深話舊頻傾留客酒問年易動感秋心老來
握手情彌篤甯祇論詩是賞音

迢迢旌節度江關暫坐濃陰積翠間恰喜青雲來舊侶

程魚

門巖東有兩中翰繼至相看翠竹似清班池開練影明斜日秋送蟬
聲咽小山知有椿堂時在念片帆轉眼又西還

重陽後再游攝山接鶴峯前三日夜游攝山詩依韻

和答

直似蓬萊境休誇金谷園虛亭懸木杪遠水接山根露下
蒼苔潤風來落葉繁靜中聞鳥喚可認是嘯猿

極目鴻飛處凌空塔影高山明如冠玉崖疊似奔濤茗盃
醴香伴詩囊酒榼挑勝游知幾度莫厭馬蹏勞

憶昔登臨始，猶然草樹荒。穿林開曲徑，鑿石起層梁。池映天光滿，橋通練影長。四時花柳色，不異錦屏張。

西園小集後花下獨坐有懷子才仍疊前韻

幽棲豈是薄功名，厭說林深鳥不驚。白髮時陪新弟子，青山也愛舊書生。承歡誰似饒真樂，舍肉還多見至情。子才每將食品攜歸奉母料得冰樓無底事，橫琴坐對月輪明。

近贈芝蘭種滿除，巡簷采采孰相於。窗前鳥靜閒欹枕，竹裏燈明夜讀書。見面難如千里外，論交喜在廿年餘。小倉也做棲霞意，聞又新添水一渠。隨園新開小池

送高南疇赴貴州臬司任

共挂一帆輕，時子將入都何堪唱渭城。離杯空有約，時南疇提調秋闈未得面別句不成聲。日霽霜仍暝，沙明水自清。故人前路少

雁影恰逢迎

萬里苗疆路黔山我舊過峯高雲傍馬磴險手攀蘿努力
青霄遠傷離白髮多漫云非澤國處處慎風波

和袁子才冬日寄懷韻

楓林紅葉帶霜飛記得江干送馬蹏歌到離亭聲斷續人
分淮浦影東西年來夜雨添新夢畫裏青山憶舊題臨別
爲子

才題煙雲
如意圖

千里相思君識否斜陽滿樹暮雲低

林園拜賜仰皇情愧我年衰列上卿廿載風花看幾度三
春桃李喜重生山連蓬島峯還翠池接昆湖水更清縱有
詩篇忙裏得那如把酒韻同賡

陳宏謀字汝咨號榕門臨桂人雍正癸卯進士改庶吉
士授檢討官至東閣大學士兼工部尙書加太子太

傅諡文恭有培遠堂集

詩話文恭碩望詩謨百寮師表所著五種遺規足爲官箴士範集中文章爾雅皆粹然有德之言詩不多作錄登一首以識景仰

登碧雞山呈尹制府

隔山相望覺山高纔上山頭山又小盡日登高興未足舉頭還羨他山好朝來雲氣接蒼茫須臾日出何分曉碧雞憑眺山海空恍若置身青雲表汪洋萬頃俯滇池一片澄波狀縹緲鳶飛魚躍盡天機曠觀彌復孖懷抱仰止於今屬景行追隨咫尺欽師保

尹會一字元孚號健餘博野人雍正甲辰進士官至吏部侍郎有健餘詩草

詩話健餘少與刁紹武王雲鄉劉今齋稱詩號保陽四子既乃潛心理學恪守程朱矩矱高自期許奉母

至孝入官勵節操求利濟出守襄陽督饘揚州開府
河南所至皆有惠於民有所興作必歸善於其母聲
聞當宁入長諫院擢貳銓曹屢上封
事多所匡益詩清醇和雅不墮理障

居庸關

莽莽關山起暮愁亂雲層疊隱危樓
雕弧控滿清宵月畫角吹殘紫塞秋
旅夢無端空索莫歸心何事更夷猶
燕南碧草還飛蝶已見柔乾帶雪流

上元夜雪

片雪江城未落鐙萬家簫鼓尙喧騰
衙齋禁酒清如水座客垂簾靜似僧
香謝梅花迷檻月寒驚詩夢沁壺冰
玉樓人醉東風裏遙向烏臺望未曾

張廷瑑字桓臣號思齋桐城人雍正癸卯進士改庶吉士授編修官至工部侍郎

詩話思齋爲文端第五子與諸兄隨齋少詹視齋相
國藥齋宗伯同時登詞館內直講雖外秉文衡荀龍
薛鳳古不逮今矣

丙午八月分校京兆試用壁間韻

秋高鎖院覺深沈時共諸賢探鄧林常恐驊騮空過目敢
言桃李欲成陰研經辛苦看華鬢報國文章本素心藻鑑
高懸逢永叔遙知玉樹自森森

陳祖范字亦韓號見復常熟人雍正癸卯貢士乾隆壬

申舉經學授國子監司業銜有見復詩草

詩話雍正元年黃侍郎叔琳典試江南所取多知名
士見復才名尤著試文傳誦徧海內其秋試禮部中
式同邑蔣文肅廷錫方爲大學士語之日子有盛名
某又在朝今歲大魁非子而誰見復默然出卽辦裝
南下自是不復出僦屋華匯之濱鑿戶讀書弟子著
錄者日益多不復出僦屋華匯之濱鑿戶讀書弟子著
十年乾隆壬申舉經學秦文恭昌言日不得陳某則
此舉爲無光爲述其託足疾不與廷試事且日風節

即此言臣卷之二十三

五

如此豈可遺之有旨授司業時見復年七十有五矣
即家拜官異數也生平天爵自重詩無意求工自餘
道氣不得以詞人之詩目之自序云收拾舊臺其無
為而作者去之其為人而作者又去之蓋決擇之嚴
此如

四照軒雜詠

作主是雲山客來常掩關春兼中酒意人共落花閒吟入
松風韻愁開水鏡顏暫時容寄傲昏黑不知還
嗜奇復愛曠今日此相遭虯幹排空走雲根到地牢窗中
分嶺色樹杪瀉江濤物象都殊異緣知作者勞

曉過尙湖

放櫂乘朝色空明欲上天中秋半篙月初日一湖煙書卷
隨身在瀟湘即眼前幾時尋釣叟閑憩碧雲邊

感秋

人生弦上筈流光迅於矢春鳥暢歡情秋蟲感衰耳萬籟
乘時鳴一心異悲喜中宵不成寐轉輾攬衣起今人未嘗
生古人未嘗死欲求不死方從師悔晚矣

夢述

自從別家來十夕九夢親父念子行役不因存歿分存爲
倚門望隔形不隔神歿爲空中魂魄依游子身危高山之
顛慄深水之潛悲哉同行子生獨爲鮮民白雲處處多天
涯見無因

與星旋釋

爾我各異趣青山爲之媒爾心與山靜我心對山開山意
不將迎能通彼我懷書聲雜梵唄瓶鉢偕尊罍大道固無
礙何從起嫌猜推窗月皎皎梅花點蒼苔

古意呈北平黃公

孤桐抱高韻根株半生死伐爲爨下薪灰滅分應爾幸蒙
君子聽驚詫笑相視絃以圍客絲徽以九寡珥一彈再三
歎危苦不余鄙是時帝張樂鏗鎡動宮徵此器獨渺默別
調寄山水峩峩復湯湯誰不充其耳黃金鑄子期夙心固
如此

答任翼聖計偕留別

往還多面朋孰是心所同鄉舉忝伯仲時論推雲龍一友
教四方一匿影蒿蓬相見苦不易終歲欣相從得窺所學
富飽聞議論雄冥搜力沈著集益心虛沖烏能石攻玉愧
用筵撞鐘聖籍久黯黹遲子發羣蒙斯行匪干祿要展經
術功析理戒穿鑿守道無窮通釣鼈不釣魚君家有任公

桐城方貞觀寄詩彙書贈

淵明嗟道喪人人惜其情非止口噓哇惟恐風波生就令
詩言志有懷詎能傾轉喉防觸諱願吐必逆櫻披拾爲大
尤塞兌乃得甯漫云教溫柔本無不平鳴肺腑一字無月
露連篇盈掩卷想誰作會不得主名以茲繼風雅真屬誰
能爭我讀貞觀詩則知貞觀誠軒豁露肝膈拓落輕譏評
出語中道要破的無浮聲惜哉兩白首未能常合并

聞任翼聖亡

秦淮載筆後一別如雨絕我伏閭里中嬾不事干謁每有
當路人無端願交結

邵公基王
公安國

叩其所從來謂君向若說

乃知迹雖疎風義極真切憶昔言別時贈我句卓傑自擬
赤城霞謂予姑山雪雪寒尙皚皚霞光忽淪滅淪滅胡足

悲層霄已照徹

七夕讀杜詩牛女篇

小東披列宿窮極呼穹蒼謂猶具官臣尸素空周行玉川
祖其意月蝕詩張皇口實資騷賦驅使到天章星辰亦良
苦爲人任短長其中牛與女津津口加詳七夕河漢明下
土舉頭望兒女致私祝豎儒乞芬芳緣飾多故事瑣細語
不莊惟有杜老詩引義陳大綱撥疑見本根辭家敢頡頏

北山歸途

展墓歸經洗馬池佛廬山店與田畦人行鏡裏清光杳秋
在籬邊秀色低一一空回入市擔聲聲報晚上牆雞安能
更得身強健出郭緣源數杖藜

偶成

夢餘支枕聽更時無限幽懷祇自知人在塵中萬蟻戰身
如曙後一星危閒生煩惱因觀史嬾更推敲廢詠詩喜有
寒梅能解事十分春信到南枝

楊炳字蔚友號筠谷鍾祥人雍正癸卯一甲三名進士
授編修

秋夜同胡石圃訪林一凡

蕩滌煩囂夢寐清蕭疏眉宇紫芝情幽居杳不離城市結
社還須免送迎月透窗櫺光照席風傳漏鼓響催礎歸逢
醉尉休予詈故李將軍未有名

張江字百川號曉樓南城人雍正癸卯進士改庶吉士
授編修

贈何從之

白駒蒼狗兩茫茫吹笛滄洲六十霜老去伏生雙鬢短飢
來臣朔一身長青燈盡夜償文債襍被誰家穩睡鄉莫歎
故園松菊冷袁安曾耐雪中僵

王步青字漢階又字罕皆號己山金壇人雍正癸卯進
士改庶吉士授檢討有鸞鳩草

詩話曉樓己山皆工四書文當時事科舉之學
者幾於家絃戶誦詩不多見亦皆清雋可誦

探梅

殘雪前村路開時杖屨忙一枝橫竹外幾樹帶斜陽風定
餘香在雲深別塢長欲歸還小立新月滿衣裳

竹里晚眺

疎篁雨過夕陽明半畝荷塘秋氣清正欲隔離呼酒伴剛
逢別浦送蟬聲地偏長結粉榆友性遠還尋鷗鷺盟一榻

草堂高卧穩東山千古有餘情

胡蛟齡字淺九涇縣人雍正癸卯進士改庶吉士歷官
戶科給事中有起亭詩鈔

同冠峽

一水中盤紆繞作羊腸曲夾岸兩蒼龍并以神力束飛空
舞爪牙數里勢相屬飲澗噴寒泉琤琮落碎玉散成輕雪
花聚入澄潭淥跳珠偶一霑朱炎失蒸溽緬彼昌黎叟茲
地蒙採錄人與境千年美句誰能續孤蹤幸一過聊以資
遐矚相戒勿題崖庶免山靈辱

龍湫潭

小石何零星大石極礮礮戢戢塞滿江進退輒有礙孤飛
似趁人特出欲無對媧皇試餘巧點作百雜碎殷紅隱丹

砂鮮翠攢青黛朝昏呈萬狀俯仰變千態神物此泳潛靈
光時顯晦孱頑垂尺乳雲氣護艷靄終歲瀉甘霖匯入清
川內安得挹餘瀝一濯胸中穢沈疴應解痊庶比天漿漑

葛溪

喬木村村樹蕪菁岸岸花浪翻春雨急山帶夕陽斜古縣
城三板浮圖水一涯更投前路宿帆落聽鳴蛙

范咸字九池號浣浦錢塘人雍正癸卯進士改庶吉士

授編修歷官御史巡視臺灣有浣浦詩鈔

詩話浣浦經學頗遠於易者有周易原始六卷其詩
無激越之響少年魏科頭而復起時有引咎自責之
言及其登山臨水感物懷人溫醇
閒適怡然自得足以規其所養

夜坐叢碧亭

小院層陰十笏寬行吟屋角繞回闌故邀檐月光間照不

畏簾風竹裏寒一卷新詩遲夜話半瓶濁酒冷春盤更殘
莫便思高卧梅影昏黃正好看

再登文昌閣訪蔡院長

別來纔幾時風花已飄管柳葉高於城柳絮飛如雪水色
定處濃嵐煙遠還滅客去鳥聲喧空齋獨幽絕

上谷見霧

日遲寒霧上林間橫匹素鴉影忽飛翻散作村煙去

過段忠烈公祠

段公智勇皆殊絕史傳崢嶸識異才倉卒司農倒印去笑
談刺史戴頭來笏能擊賊猶餘恨志在成仁誓不回此日
荒祠馨俎豆懦夫可立不須哀

峒樓碑

岐陽石鼓文僅存安置太學真嶙峋更復上溯二千載神
 禹鳥跡荒邱墳退之好奇尋古碣眼未曾見空傳說岨嶮
 山尖讀舊碑赤文綠字蛟龍掣是誰道士偶得覩事幽語
 祕終非實朱張重游入杳茫鸞漂鳳泊悲蒼涼搜索南嶽
 竟無有書之簡策心徬徨丹鉛先生生已晚獨窺墨本神
 飛揚篆奇義密苦未曉譯以形象詞琳瑯自云祝融峰絕
 頂蹠書巉刻非虛影仙肩靈鑰闢千年萬古文章傳世永
 我來修志慙直筆稽古湮沈肝肺熱炎帝茶陵尙鬱蔥湘
 靈帝子嘯鵠血初訪嶽麓得數紙拖船坳側依稀是麓山有大
禹拖船坳傳聞南渡嘉定年隱真屏下移來此獻之連帥鐫石
 壁四絕堂前誰與敵更教摹搨薰麝煤著手摩挲苔蘚剔
 衡陽令君忽致書惠我古本行次且縣北計里五十二岨

嶺有峰藏璠璵大禹廟後數百尺精鐵面削螭盤紆有司
置吏勤守護閉藏風雨雷霆俱浴手緡閱少缺畫非隸非
篆非蟲魚翬飛翼跂倚短劍古鼎躍水羅珊瑚兩本肥瘦
差有別麓山重刻甯差訛云何至寶反後出永叔夾漈遺
撫羅新安當時已難覓紫蓋咫尺迷嵯峩問途鴈塔初不
遠豈有萬丈遮藤蘿是邪非邪正難識未得辨口如懸河
尙書古文疑僞作姚興張霸何其多謬託蝌斗費量度孰
爲發覆忘偏頗多聞闕疑見闕殆吾服至教脫曰科少陵
枉自嗟才竭昌黎力薄終如何後生仰止興不淺金泥玉
檢空吟哦

紀達宜字自魯又字可亭晚號閒雲老人文安人雍正

癸卯進士由知縣歷官刑部員外郎有繭甕集

詩話可亭從父桂山以詩鳴畿輔可亭詩源出桂山而杼軸予懷別開生面斐然自成一家之言

送春

春去春愁在愁中一送春苔深連日雨花似去年人不惜
榆錢盡翻驚菜甲新舊游回首別寂寞曲江塵

雲中感懷

東皇何日到天涯獵獵淒風萬里沙
差解客愁惟有酒欲看春色竟無花
亂流孤嶼詩中畫芳樹嬌鶯夢裏家
寂寞山城明月夜居人爲說舊繁華

秋懷

秋意在何許颯颯庭樹枝金風消息來
遂使羣心夷緬焉念昔人行樂長苦遲
百歲豈不多半爲炎涼雅駕言謀遠
游及此清秋時千里無同心夢魂飛向誰

春風如昨日花葉爭芬芳
幾何時東西各飄揚
人生匪磐石安得不參商
矯首羨雙星盈盈河漢傍
雖不同房帷咫尺長相望

震澤中有山山上丹橘林
美人采其實望遠登高岑
玉顏照秋色皓齒揚哀音
哀音是何曲桃李盛年心
流光去如波夙心難重尋
猶有舊時夢搖搖來錦衾

宿瓜步

維舟已薄暮悵望平蕪間
流水不可極夕陽相與還
光生揚子月青對潤州山
入夜潮聲急愁心未許閒

讀家徵仲叔初冬詠懷詩有感

寒侵客袂雨絲絲千里燕
山雁影遲隔歲遙傳雲外
字深春才讀雪中詩右丞
禪寂耽書卷小阮飄零愛
酒卮回首

上林芳草暮游蹤
三度負花期

盤山松歌

翠濤十里聲颼颼
陰磳仄驚潛蚪攫
拏石罅若無蒂怒
張鱗鬣爭寒流
比聞化劫及雙樹
孫枝不給斤斧求
誰者護之帛道猷
山舊多古松皆千百年物近被竊採幾煙霞盡所餘蒼翠實拙菴和尚護持之力
日深谷口幽大夫有靈能相酬
千株萬株蟠青溝
拙菴有株萬株青松樹十里五里紅杏花

盤山石歌

昔游武夷登絕巔
喻吸沆瀣披雲煙
山靈別後勞清夢
三十六峯吾目前
嘯歌今過薊門道
林巒初識徐吾好
石丈疑從閩嶠來
呀然一見傾懷抱
翠膚鐵骨何亭亭
蘭若門前多墜星
瀑水虹蜺飛練白
蘚花風雨剝銅青
分割名勝

三盤裏上松中石下盤水乃觀羣岫靡不奇向者品題皆
妄耳嵐光澹蕩客踟躕編茅欲傍石林居遠公爲指嶽崎
處補天五色此其餘

盤山水歌

近山沙磧無平流入山泉石如清秋綠谿被谷迷萬綠但
聞琤琤歷亂戛哀玉山家無事長閉門靜中不厭風雷喧
凭高延矚三百里滄溟涵澗盪觀止矣

春晚旅懷

躡屨重來問路歧輓紅拂拂黯鬚眉西山自立京塵外青
眼看人似昔時

嘯烏

萬年枝上澹朝暉啞啞慈烏集翠微聞說鼎湖龍去後哀

鳴環繞紫宮飛

謁先隴

不肖耽微祿久客松水湄墓門弗親掃魂夢常依馳登第
今改官遠赴楚天涯故里難稽留捧檄有程期晨興出西
郭肅穆瞻松茨憶昔兩親在勤拳多訓辭望子爲良臣勿
使家風頽儒官雖苦飢清白長自持祿養己不逮五內徒
悲摧拜罷仰墓表欲去步遲遲人生孰難忘難忘膝下時

病中夜吟

庚申一之日卧疴城南舍霜雪正蕭辰淒迷夜復夜稚子
愁不言老妻但喑喑人生各有涯時至難更借矧予拓落
人學道鮮蘊藉生不應少微死豈緣木稼旣異處士懷亦
匪達官怕嗒然天地中隨分沐大化一息此尙存淵冰敢

寬假青燈自多情照我書在架

夢迴作

愁緒紛綸繞四圍夢醒似欲識天機
人間嗟笑誰眞僞塵外行藏無是非
花落烏衝春色散酒闌客帶月明歸
齊州九點青煙在遼鶴何年故里飛

歲暮放衙歸寓口占

宣武門南十丈塵郎曹退食暫閒身
儘多陸海浮沈客爭似雲霄嘯傲人
安命何須尋季主問天那更學靈均
婆娑應伴康衢叟共慶堯年甲子春

帥念祖字宗德號蘭皋奉新人雍正癸卯進士歷官陝

西布政使有樹人堂集

秋夜酒後步月湖上賦東諸同學暨弟勿逸

琴聲甫離指酒香猶在舌客興如閒雲去去此爲別夜煙
渺何許沖融傍林樾秋氣湖上來新寒搖水月玉露零衣
襟澄波照鬢髮清悟旋已啟幽賞方未絕欲訪仙子雲
漢耿明滅安得化銀橋相從上瑤闕

青田舟中

溪行一百里海遠潮力罄松舟小於葉一榻束無贖溶洋
泛煙霏屈曲歷幽勝潭澄碧無暈欲唾惜清瑩迴橈得灘
響風泉韻疎磬東崦夕綺斂西巖暮嵐暝起坐見華月樵
唱隔煙徑眾象發心賞妙理契神定瑤琴一爲彈芳醕半
欲醒美人倘不來何以酬清聽

徐以升字階五號恕齋德清人雍正癸卯進士改庶吉
士授編修歷官江西按察使有南陔堂詩集

詩話階五爲蕢村少宗伯曾孫靜園大司空孫家學相承工臺閣體少讀書有遠志及入諫垣思以經術致用疏陳水利議區田法出官贛臬發姦摘伏人不取欺歸田後簡約如寒素袁簡齋稱其贈初自外孫沈叔園詩云詩派同初白官情共軟紅其平易多類此

南陔草堂牡丹爲曾大父手植雨後方盛開愴然有

作

風信輪番又數旬朝來催起錦帷人餘陰已剗子孫輩老屋依然富貴春舞蝶尋香金粉膩游蜂釀蜜露叢新一卮私向花神酌好護慈恩院裏身

魏元樞字臞菴豐潤人雍正癸卯進士歷官汾州知府有與我周旋集

曉發山陰之應州

午夜星軺發清霜結綬花有田皆斥鹵無地可桑麻馬飲

此册系言部卷之二五
三五
長城窟人吹蘆葉笳壯游良足慰乘輿度龍沙

陶士傑字倫宰號稽山湖南甯鄉人雍正癸卯進士改庶吉士歷官南陽知府有運甓軒詩集

皖江舟中

廓落湘中客羈遲皖水偏江鳴孤櫂雨雲亂遠村煙壯志
慚浮梗名場笑聚羶半生行止事回首意茫然

揚子江放櫂

萬頃玻璃一葉舟金焦倒影共天浮乘虛擬向河源客狎
浪真隨海上鷗龍出寺雲趨海島鶴盤關月近揚州眼光
無界情無際奇絕年來是此游

鄭方坤字則厚號荔鄉建安人雍正癸卯進士由知縣
歷官兗州知府有蔗尾集

詩話荔鄉初宰邯鄲擢牧景州再擢守登州時令流
民不得入奉天荔鄉乞弛其禁移武定賑災有勞再
移兗州以足疾自免雅意文獻嘗撰國
朝詩鈔小傳詩家源流派別言之甚詳

苦雨

遠峯一髮霧沈沈擁鼻樓頭耐冷吟千葉紅黏披敗絮半
勝綠漲沒新鉞靜看稀浴連桴鼓端怕蝸涎上枕衾辛苦
銜泥雙燕子呢喃似欲訴春陰

德州道上留別石幢伯兄

料峭寒如此郵籤百二餘弟兄一分袂琴劍各輕車強制
楊朱淚愁沈殷羨書團圓問明月奚事照離居

昔者同子役涼颺襲葛巾南朝黃葉寺上國素衣塵歲月
趨蛇壑風煙逐雁臣今成獨歸去惆悵鬲津濱

翁運標字雋工號蓼野餘姚人雍正癸卯進士官道州

知州

詩話蓼野父大環客游湖南湯死蓼野通籍後與兄接三尋父得葬處植碑封墓其地有翁孝子尋親白沙洲記牧民多異政詩如其人

紀夢

叫月叩璿宮乾坤一氣中天門何詆宥海色自溟濛絳節逢金母青裙拜木公更邀王子晉細奏玉玲瓏

晤王孟亭太守於金陵

四十專城早立勳投簪及赴舊榆枌喚回梁苑繁臺夢許入閒鷗野鹿羣崔琰蚪鬚人未老孫登鸞嘯我先聞藩車小市成前度何處重逢左阿君

欽璉字寶先號幼畹長興人雍正癸卯進士官南匯知縣有虛白齋集

詩話幼晚宰南匯有惠政捍海築石塘自奉賢柘林
城北起至寶山吳松江口二萬九千八百餘丈民號
欽公塘至今猶
恃爲保障焉

歲朝萬玉庵看梅

西郊梅最古影傍石欄斜根浥前朝露枝開隔歲花風流
傳太守幽冷屬僧家不用羅浮去橫看萬樹霞

過古林庵贈圓通上人

蒲庵十笏寄深山白晝柴扉已掩關塵跡不來茅舍裏鑪
煙時裊樹林間梅當缺處還須補竹繞籬邊莫教刪我實
愛君無俗慮欲攜書卷共追攀

馮允升字仲孚代州人雍正癸卯進士官嘉禾知縣有
惕齋詩集

柳絮

飛去知何處悠揚不暫停迴風矜舞雪依水結流萍官路
陰初合春塘日向冥攀條爲汝惜甯待望秋零

柯煜字南陔嘉善人雍正癸卯進士官宜都知縣改衢
州教授乾隆丙辰舉博學鴻詞有石庵樵唱

朱竹垞師招同魏水村孫執升陸眉州集李雲連書
樓分得水字

東風亦多情吹漲一篙水招邀虹月舟競向春波艤振衣
問書樓登躡跬步耳恍從丹梯來已入青霞裏我師玉局
翁音問遠一紀茲辰獨何幸乃獲操杖几主人營邱仙嬰
鑠殊自喜目惟辨鬢洗腹惟貯圖史兩翁互抵掌談笑忘
彼是妙析天地初旁通百家旨諸賢各瀟灑語不挂朝市
壺觴方遞陳竹肉亦清美斟酌隨淺深應對見條理向來

文字飲徵逐安足比詩成識日月後會良可俟

題金繪友江聲草堂圖

羅刹江邊遠樹齊松寮蘭畹奇幽棲世人不識枚乘筆誤指濤聲在竹西

隔歲逢君又拍肩蒼茫歸夢憶江邊白蝦紫蟹紅蓮米橫繫松根聽雨船

傅澤布字子元號悅庵滿洲旗人雍正癸卯舉人歷官翰林院侍讀學士

和車宜年自圓明園歸道中作原韻

曉凌殘月去暮帶暝鴉還日落光依樹秋深瘦到山宦情原自澹詩意近尤閒回睇蒼茫外歸雲未可攀

官保字西園滿洲旗人雍正癸卯舉人由助教歷官中

允

金臺懷古

黃金一築後七十餘城收渤海通燕市汶篁植薊邱功成人已去臺毀迹仍留弔古殘陽下蕭蕭易水秋

陶士儻字中少號毅齋湖南甯鄉人雍正癸卯舉人歷官福建布政使有鳳岡詩鈔豫章東行西江諸集

月夜坐謝玉亭園亭

何人憐好月與子共瑤琴夜肅湖山氣亭空今古心殘煙青一縷涼露白千林老鶴何爲者長鳴天半陰

送蔣諗庭宰黔中

聞說黔中事君行我慨然猿聲千嶺月烽火百蠻天德舞虞廷羽風清宓子絃須知懷遠意不事枕戈眠

沈青崖字良思秀水人雍正癸卯舉人歷官河南開歸
道有寓舟詩集

蘭州

峻絕皋蘭路東岡勢漸平九邊通玉壘萬里鎖金城山抱
高低色河流晝夜聲雄圖分百二攬轡倍含情

趙北口

浮鷁年年灞滻東鼎湖龍去翠華空罍師矚網斜陽外牧
豎牽牛淺水中春曉蘇隄楊柳月秋深鑑曲蓼花風重華
若舉橫汾樂魚鳥親人定不同

向日葵

滿院秋風斂嫩黃扣槃捫燭望恩光跋烏萬里誰知汝猶
是西傾倚夕陽

蔡時豫字笠齋崇甯人雍正癸卯舉人官黎平同知有

慈竹園集

道中喜晴懷舍弟修來

晴日微車裏遙天碧一涯石田收晚稻山草隱秋花仗策
心猶壯巢林願不賒卯君行漸遠計日已還家

吳夢旭字寅齊廣順人雍正癸卯舉人官蒙自知縣有
寫心草

旅病感懷

冷煙炊飯晚幽檻負暄遲善病常防酒多愁卻廢詩崢嶸
頭角在荏苒歲時移自愧逢迎拙休猜下董帷

吳象弼字似之號康臣海豐人雍正癸卯舉人有杞樹
屋詩

詩話海豐吳克庵參議自肅有三子長居之象寬有芝園詩次從之象默有半閣詩尤以似之爲白眉其詩鑿削凡近歸於雄

渾王秋史極稱之
再抵東阿

煙中山色水邊村
草樹蒼黃落日昏
白雁丹楓兩蕭索
騎驢重過小雲門

泰安道中

膚寸瞻何處
蒼茫合暮煙
秋聲秦爵樹
沙路魯歸田
聞說徂徠宅
猶存慶曆年
停車正東望
憑弔一流連

金陵雜詩

幕府山前歲欲殘
一龕鐙火照長干
冶城南路臺空在
淮水東邊月自看
地下嘲人陳後主
席前拍板孔都官
南朝多少傷心事
上得僧樓只倚欄

桃葉渡頭秋雨時木蘭舟上酒盈卮
鐙前紅豆尙書句眼底青山小謝詩
金粉千年豔牛渚笙歌一片付烏絲
門前有客如龍虎可是孫郎帳下兒

舟行雜詩

風便喜鳴榔客心殊渺茫天隨波遠近人與水低昂極浦迴魚背寒燈沒蟹莊鞦山相望處終日對彭郎

鄭世元字亦亭一字黛參號耕餘居士嘉興籍餘姚人
雍正癸卯舉人有耕餘居士詩鈔

詩語耕餘詩思沈格老如人皆欲殺今之白我醉須埋昔者恰于今負背多芒刺以後甜頭望蔗漿皆純用宋法若芳草路旁都是恨暮山樓上對誰青樹底啜鷺初轉舌客中寒食最銷魂則又似晚唐人語

燕

日暮差池影穿花故故頻與君同在客是處可憐春弋者

無余慕天涯戀主貧清明滿桃李蝴蝶過東鄰

渡揚子

忽聞澎湃聲大江又當面十年不來游如與故人見江光
只如昔我老顏色變西日沒復升東流去不轉逝者如斯
夫來者亦可鑒南瞻建康城北瞰山陽縣當時英雄人千
載一過電胡爲尙役役臨衰感貧賤

新柳

善和坊裏信如何蘸綠揉藍動玉河禁得輕寒一百六倦
扶頭起爲春多

客舍心情費村量江干一曲女兒箱羨他絕不關閒事幾
箇漁舟弄夕陽

曹庭樞字古謙號六薌嘉善人雍正癸卯副貢乾隆丙

辰薦舉博學鴻詞有謙齋詩藁

詩話六韋詩清俊拔俗婉而多風舉大科廷試進呈卷列第十八及命下止取十五人遂未與選後五年殤於京邸其兄六圖搜集遺詩爲序而刻之

大霧自東阿曉發

客夢喚不醒晨雞嘯喔喔僕夫戒征車琅琅振霜鐸明星猶熒煌輪蹄已紛錯山行忽迷道暄氣歎嵐嵐毒竊鬱遮樹林浸淫罩城郭昏昏陰髻捲蕩蕩雲海濁眯空吹若沙溼衣細如柔東方忽瞳矓銀山揭頰玉須臾盪晴空豁視爽心目迤邐投前村川原寄遐矚

送王書臣僉憲之嶺南

鬢髮細柳綠垂隄二月東風送馬蹏君過嶺南春正好蠻花萬樹鷓鴣嘯

立春日對雪獨坐有懷大兄

天低泱泱雲模糊凍鴉啞啞城頭呼雪花紛落大於掌凝
驢激射清冰壺梅花不見冒春雪但見老樹撐庭隅碎瓊
細著苔點密裂玉蟠作蚪枝枯冷然直洗肝膽潔悄焉不
覺形神孤憶我別家九月九至今三飲屠蘇酒前年風雪
送兄歸衝寒愁折蘆溝柳南來飛鴈猶呼偶何日行隨坐
相守思兄此日北堂前獨獻春盤翦春韭

錢唐相國分餉上賜鄭宅茶寄奉老母

穀雨新晴後頭網驛遞初綠按雙掌細香迸一旗舒玉盃
梅花噴銀瓶薤葉儲賜先黃閣老波及大君餘竹裏泉聲
沸窗閒午睡徐當筵思筍蕨奉母憶籃輿旅食經年別平
安數寄書緘題將遠問藉以慰門閭

藍鼎元字玉霖號鹿洲漳浦人雍正癸卯拔貢由知縣

歷官廣州知府有鹿洲集

詩話鹿洲少日卽以文名倜儻負大志朱一貴反臺
灣從族兄提督廷珍渡海進討爲之謀主七日而平
事蹟具所著平臺紀略入成均以薦授普甯令作監
司被劾幾陷重辟旣昭雪特簡權廣州守方書爲鹿
遽卒論者惜之文集皆其自訂又輯所治官書爲鄉
洲公案輯講學語爲棉陽學案獨詩藁不傳鄭荔鄉
全閩詩話錄其臺灣近詠十首謂番俗夷情洞若觀
火坐而言可起而行非徒誇山川之瑰麗賦物產之
珍奇者

臺灣近詠

東甯大海荒從古無人至明末羣盜窩島夷互竊踞鄭氏
奄而有蔓延爲邊忌我皇撻伐張天威及魑魅遂使瘴癘
鄉文物漸昌熾川原靈秀開鬱勃不可閉式廓惟日增蹙
縮非長計所當順自然疆理以時議勿因去歲亂畏噎卻

飯餽

去歲羣醜張揭竿三十萬我旅一東征倒戈雲見魄七日
復全臺壺箠匝地獻可知帝德深望雲爭革面餘孽雖時
有死灰謀欲煽旋起卽撲除夫誰與爲叛當茲振道鐸教
化不容緩民心原猶水東西流乍變棄之鋌而走理之忠
以勸

臺俗傲豪奢亂後風猶昨宴會中人產衣裘貴戚愕農情
士弗勤逐末趨驕惡羃陵多健訟空際見樓閣無賤復無
貴相將事樛博所當禁制嚴威信同鋒鏑勿謂我言迂中
心細忖度爲火莫爲水救時之良藥

閩學追鄒魯東甯昧如障當爲延名儒來茲開絳帳俾知
道在邇尊君與親上子孝及父慈友恭更廉讓從茲果力

行誘掖端趨向其次論文章經史爲醞釀古作秦漢前八
家當醢醬制義本儒先理明氣欲王洗伐去皮毛大雅是
宗匠此地文風靡起衰亦所望

臺地一年耕可餘七年食寇亂繼風災民間更蕭索今歲
大有秋倉儲補云急穀貴慮民飢穀賤農亦惻厲禁久不
弛乃利於奸墨徒有過糴名其實更何益估客旣空歸裏
足此寥寂何如搏節之一艘一百石窮年移不盡農商惠
我德幸與諸當途從長一籌畫

纍纍何爲者西來偷渡人銀鑄雜貫索一隊一酸辛嗟汝
爲飢驅謂茲原隰昫舟子任無咎拮据買要津甯知是偷
渡登岸禍及身可恨在舟子殛死不足云汝道經鷺島稽
察司馬門司馬有印照一紙爲良民汝愚乃至斯我欲淚

沾巾哀哉此厲禁犯者仍頻頻奸徒畏盤詰持照竟莫嗔
茲法果息奸雖冤亦宜勤如其或未必甯施法外仁

臺邑雖褊小徵糧視鳳諸

鳳山諸羅二縣

土狹賦獨重民困曷以

紓臺灣田一甲內地十畝餘甲租八九石畝銀一錢輸將
銀來比粟相去竟何如納粟弊多端斗斛交相瘡折色比
時價加倍復何居鳳諸雖厚斂什百臺版圖墾多或報少
以羨補不敷臺土瘠無曠衝壓且偏枯安得相均勻丈輕
三邑俱征收同內地含哺樂只且

郡東萬山裏形勝羅漢門其內開平曠可容數十村雄踞
通南北奸宄往來頻近以逋逃藪議棄爲荆榛此地田土
饒山木利斧斤移民遷產宅兵之亦斷斷何如設屯戍守
備爲游巡左拊岡山背右塞大武臀旣清逸賊窟亦靖野

番氛府治得屏障相需若齒脣

諸羅千里縣內地一省同萬山倚天險諸港大海通廣野
渾無際民番各喁喁上呼下卽應往返彌月終不爲分縣
理其患將無窮南劃虎尾溪北踞大雞籠設令居半綫更
添游守戎健卒足一千分汛扼要衝臺北不空虛全郡勢
自雄晏海此上策猶豫誤乃公

臺灣雖絕島半壁爲藩籬沿岸六七省口岸密相依臺安
一方樂臺動天下疑未雨不綢繆侮予適噬臍或云海外
地無令人民滋有土此有人氣運不可羈民弱盜將據盜
起番亦悲荷蘭與日本眈眈共朶頤王者大無外何患此
繁蚩政教消頗僻千年拱京師

宋來會字清源一字清遠號秋圃德州人雍正癸卯拔

貢有近思齋集

信陽山行

歷盡中州不計程
信陽已過更南征
肩輿每傍山腰轉
石徑時臨樹杪行
遠岫橫煙人早爨
深林激溜水長鳴
塵埃不到居堪卜
役役空慚志未成

武昌春日絕句

欽崎石磴倚高樓
楚國春生一望收
直上高樓最高處
平湖門外大江流

張埴字貢五號香潭
湘潭人雍正癸卯拔貢
有湘帆閣集

涿口過曹丈中玉宅

入口無多路人煙
曲折環魚蝦秋水
市蘆荻夕陽灣
估舶

月日未言
三十一
三
依灘急僧鐘到夜閒黃壚成往事指點一愴顏

京江夜泊

江濤薄暮勢微收鐵甕無風一夕留邀笛步遙人對月藏
春巷近客吟樓一聲僧磬驚懸狄數點漁鐙動宿鷗人境
蓬萊原未遠金山突兀海龍浮

晚晴移詩匯卷六十五終

晚晴移詩匯卷六十六目錄

劉統勳 七首

汪由敦 七首

陳惠華 一首

王安國 二首

汪德容 二首

陳浩 十二首

林聰 一首

李重華 十五首

王文清 二首

車柏 二首

賈如璽 一首

呂守曾 三首

傅輝文 二首

嚴遂成 七首

張復 一首

任舉 二首

金志章 十五首

王延年 一首

甘禾 三首

高爲阜 二首

郭爲觀 五首

張元 四首

陳其揚 二首

王郢玉 一首

彭啟豐 九首

鄒一桂 一首

張鵬翀 二首

金相 一首

劉青芝 二首

楊錫紱 三首

周人驥 二首

高淑會 三首

單鈺 三首

徐時作 二首

王字樂 一首

唐開中 一首

晚晴移詩匯卷六十六

徐世昌

劉統勳字爾鈍號延清諸城人雍正甲辰進士改庶吉士授編修官至東閣大學士贈太傅諡文正有劉文

正公集

詩話文正彊直斷清節高宗信任甚篤決疑定計多所翊贊卒之日方趨朝輿至東華門外無疾而逝上親臨其喪見室無長物深致嘉歎語侍臣曰如統勳方不愧真宰相懷舊詩列五闕臣中有日遇事既神敏秉性原剛勁得古大臣風終身不失正其倚重至矣

登上方寺塔

鉛黃眯目兩旬餘
梵宇臨高快意初
一帶河流來蒼莽
四天樓閣傲晴虛
登場禾黍秋將晚
入望煙林葉半疏
暫向僧寮話陳迹
風回清聽散鐘魚

題桐城張相國賜園泛舟圖

龍眠山對賜金園管領煙霞荷厚恩今日重開休沐地白
沙翠竹宛江村

碧流如帶隔紅塵畫舫蘭橈蕩綠蘋未便一竿江海去波
分太液足垂綸

鳳雛繞膝彩衣斑問字傳經得暫閒谷口錦茵花冉冉林
間歌管鳥關關

石堅水淨同標格麗景穠華信化工自喜平泉隨草樹年
來長是坐春風

汪師茗侍講寓齋同年小集

娟娟玉露滴清圓淨洗新涼水碧天稠疊壺觴叢樹下瘦
兢馬影夕陽邊深杯到手辭難卻好語如珠斷復連欲繼

高吟還自笑強安一字苦拘牽

呼酒當筵更勸君十年幾此坐論文酸鹹自辨閒中味聚散還同霽後雲良夜流光欣共賞蕭齋風物得平分鵝鴻臺閣年來滿鷗鷺忘機戀舊羣

汪由敦字師茗號謹堂錢塘籍休甯人雍正甲辰進士改庶吉士授編修歷官刑部尙書加太子少師協辦大學士旋罷協辦官至吏部尙書贈太子太師諡文

端有松泉詩集

詩話文端學問淹博文章典重有體要爲裕陵所器入直樞廷贊襄密勿本出張文和門下文和告歸惟恐身後不獲配享裕陵意不嫌手詔詰難事涉文端雖罷協揆仍留內直眷遇不稍替文端雅意愛才振拔後進如恐不及歿後願北爲編定遺集甌北未入詞館嘗充軍機章京最爲文端所賞也

表忠觀

朱門古殿明湖曲玉座凝塵舞蝙蝠三世五王同一堂一
一英姿耀冕服斗牛占象霸圖開市中術者豫章來勁旅
摧巢八百里都兵破越窮天台閉門天子孽自作妖鳥羅
平掃如籜鐵券功名衣錦城丹青圖畫凌煙閣楊枝曲罷
天亡唐江東端不失孫郎打毬御馬于闐帶英雄意氣何
堂堂枕畔金鈴驚五夜羅剎奔潮千弩射玉冊金符尙父
名新羅渤海紛相下五百功臣息戰塵三樓畫棟照千春
牢盆海上橫戈日何意江山作主人奕葉依然承土宇宮
殿排雲事歌舞卯馘家家按籍來器服年年輸內府八十
年來王氣消石鏡塵昏大樹凋篋書雖滿客歸國折簡無
煩又入朝子陽季孟空雄壯自作安豐甘退讓居人生不
識干戈父老至今思保障陌上花開緩緩歸歌聲已斷昔

人非青蘋無復村農薦芳草空留羽士悲龍山突兀餘殘
照可憐異代還祠廟階墀最矗立豐碑句奇語重褒忠孝
剔蘚捫碑一慨然短牆鄰竝玉津園江外冬青纏野草珠
簾何處問通天

贈張公子

故邑侯海甯張權六先生子
由敦童子試時出公門下

儒術雍容講藝時盧前王後感心期十年未脫諸生籍一
顧終慙國士知畏壘尙餘他日淚橫山仍結故鄉思寒燈
蕭寺無人問憔悴西華鬢欲絲

晚春卽事

廿四番風送好春賞心多負物華新山桃林杏怱怱過賸
與丁香作主人

搖漾春波沒釣磯一泓新淥淨苔衣請君亟賞空明境莫

待楊花撲面飛

歸卒歌

冠裳保正黃旗滿洲護軍雍正九年北路出師淪準噶爾者十有餘年間道脫歸得賜召

見歌以紀之

雪壓沙場鼓聲死主將知名半成鬼倉皇士卒強偷生馬
蹙絃摧被驅筆縛來生口不知數不死飢羸亦瘡痍卻逃
斧鑕得全生分隸寨桑囚迤里囚繫空驚歲月長雁來鴻
去閱星霜東望隴雲千萬疊思鄉日日淚千行七度奔逃
逃未脫路長徑絕遭遮遏追還鞭血濺沙紅浸向冰川寒
水潑久在虜中習虜語到此無猜相爾汝間行偷得生馬
騎何意重逢舊時侶茫茫白草南馳去部落名王親肺腑
羽書傳送赴皇都子死妻亡迷處所父老來看訝老蒼尺
籍稽名識編伍回首俄驚十八秋論年直欲同蘇武自言

俘虜恥餘生狼籍疆場何足數丈夫志不問妻孥螻蟻區
區緣戀主艱辛閱盡邀天鑒雙闕雲開果重覩天子行秋
巡近甸閱射宮門蒙賜見奏對令操蒙古音歷歷垂詢屢
稱善記來舊事總依稀說到交鋒膽猶戰復還故秩綴藍
翎顧影自驚觀者羨當年徵發若雲屯何幸生還拜主恩
蜀道只今多戰壘蠻煙幾許未招魂

予以康熙辛丑壬寅來熱河寓徐文定公半山堂今
三十年矣感而有作

昔坐翠微間攤書白晝閒至今成皓首重此對孱顏謝墅
煙雲杳灤波日夜潺平生幾游歷也當故鄉山

宣城

蒼然來暮色歸鳥敬亭雲舟楫今朝謝山程首路分此邦

多大雅詩格至今聞隱吏思梅福何時與論文

時稱長先
生自泰順

謝病
歸

陳惠華字雲倬號月溪安州人雍正甲辰一甲一名進

士授修撰官至禮部尙書

送辛錫傳表兄之官中州

仙才久冠上林枝又見分符捧檄時百里鶯花香自擷一
官書劍靜相隨多才好作梁園賦乘興還題艮嶽詩政簡
鳴琴胥就理清聲應早達彤墀

王安國字書城號春圃高郵人雍正甲辰一甲二名進

士授編修官至工部尙書諡文肅

游蒜山

杖策期我侶極目煙嵐飛披徑躡層岡緣源面修碕空水

寒無姿淡綠生已微蹉跎一老僧隔澗開山扉延客坐松
寮梵響生清機谷幽光易暝江遠聲逾稀眾賴窅然合心
清無是非憇久神彌愜徒倚憺忘歸舉手謝前嶺逶迤窮
林霏

山光引游子窈窕乘險絕路歧情屢眩徑錯興逾發修竹
翳層陰危松綴殘雪眾鳥寂無聲騷屑林響徹石氣入昏
冥川光互漂擎岸轉失來蹤溪明得前陌白日下江皋餘
霞盪晴碧夕嵐落千尋空色遞相激握手尋舊蹊一一想
所歷忽看江上月遙遙挂蘿壁

汪德容字雲尺錢塘人雍正甲辰一甲三名進士授編
修有重閭齋集

初夏游靈鷲冷泉韜光三生石諸勝

明倫彙編 家範典 卷之二
五
遵途越平岡攬勝憇靈鷲朱夏一以深嘉木鬱如繡天宇
猶清和微陰藹巖岫泚泚碧玉流風淪漾晴毅愛此清且
冷塵土一滌漱飛泉亂人語空翠滴衫袖悠然遺世情遂
去款雲構

山行不知疲蒼翠列萬變芙蓉插空青應接耳目眩雲竇
窈以深幽花爛且絢屢造靈異區還思隱淪彥巍巍三生
石兀突眼中見遺事緬澤公夙緣洵堪羨捫蘿一長嘯千
峯虛籟徧

入山復出山合杳自朝暮餘興猶未闌更踏招提路山閣
俯喬林憑虛敞遙顧旣愜物外游遂凌滄洲趣微雨鳳林
鐘殘煙朝川樹荷風送輕涼歸橈狎鷗鷺於焉成賞心逍
遙樂其素

陳浩字紫瀾昌平人雍正甲辰進士改庶吉士授編修

歷官少詹事有生香書屋詩集

詩話紫瀾學以程朱爲宗晚年主講大梁宛南書院乾隆辛卯皇太后八十萬壽命入九老賜游香山時年已逾八十矣工書善爲詩詩圓融朗澈語語天成其品在白香山劉禹錫之間古人所謂百鍊剛化爲繞指柔者明之高青邱庶幾近之其論明詩亦極得領要

江郎三片石

偉哉造物真好奇雕鑄萬象成險巖江郎山高千丈頂有石三片如穹碑我欲問山靈立此將何爲得非上有太古字用紀天開地闢圖書未啟之文辭置之禹跡不到處萬古不令人見之巨靈轟風鬼斧削古苔斑駁蒼藤垂盤盤松桂隱蒙密山坳小構江郎祠三君兄弟並年少雍容被服仙官儀前行便入九閩路秋山不斷天風吹

過仙霞嶺

星輶步步躡危梯，直上層雲萬嶺低。
越一關開道路乾，坤放眼豁端倪。
泉通海氣穿雲落，烏帶蠻音隔竹噉。
欲向高空留姓氏，磨崖新試擘窠題。

過賈閩仙墓

最愛長江簿詩篇，迴絕塵吟肩。
餘聳削文膽，獨輪困落葉荒祠裏。
孤墳野水濱，仙靈如寂寞。應憶孟家鄰。

錢修亭前輩招同汪謹堂吳鳴珮李玉洲徐晉叔諸

同年集香樹齋看山桃花同用昌黎山石詩韻

當杯不辭酒力微，看花莫待繁英飛。
一年春事纔過半，海棠未放山桃肥。
兩株紅白傍仙館，竹深苔淨塵埃稀。
花開幾度缺吟賞，念之不異渴與飢。
朝回日暮猥見召，同人下

馬輕款扉是時雲陰天宇低風吹細雨煙霏霏移鐙斜照
愈妍好絳紗作幔珠成圍花香雨氣杳莫辨但覺芳潤浸
人衣一杯酌花還共勸脫略禮數忘拘躡夜深沉醉未忍
別折花滿把衝泥歸

題沛上人松月傳心小照讀卷中方望溪先生文對

雨成十四韻

上人人天師翻經了三藏能參真實義一洗庸愚障桐城
方先生可否素不妄頗聞高僧傳結構煩哲匠先生既歸
老余亦就閑曠師意獨勤勤杖策時相訪朝來出錦囊小
現菩提相松風一何清水月光宕漾妙明不染心幻影證
無上方耽禪味深忽駭文瀾壯恍若韓昌黎破格贈文暢
感舊增欷歔撫卷獨惆悵夜雨聲泔泔添我秋池漲潑墨

灑雲煙爲師作供養

和齊次風侍讀四月九日獨游陶然亭卽目韻

下直端居興有餘獨攜藤杖當巾車小亭地迴穿芳徑古
寺僧閒寫梵書攬勝偶來人跡外觀空已到佛生初誰能
會得陶然意雲影天光總自如

題同年汪謹堂尙書臨黃庭內景經卷後

是日并觀
黃素真蹟

及王虛舟
前輩摹本

墨花四照雲生壁玉版箋凝冰雪色一粒丹砂九轉成抽

毫直接神仙跡宣和題字何足疑世有識者當心知

黃素
前有

宣和題字云晉王羲之黃庭內景經董思
白書品定爲楊羲書蓋本黃伯思之說也且喜神物在人

世得公妙筆能傳之想公下筆時不知筆在手臨池恍惚
靈境開中有洞天名小有紫微南岳坐瓊臺列侍蓉冠鳴

珮玖金環約臂兩青童采采琪花斟玉酒忽然墨雨飛空
來元氣盪胸風入肘方圓自我結構遺不繫若驚神獨守
此書後出千餘年遂與黃素爭後先前輩見之應避席世
間石本空雕鐫我生願作主書史鍊骨未成將老矣可得
從公乞數行往問山中許道士

題玉井蓮圖送馬力畚之任閩鄉

維揚馬君志尙古遙指扶風舊鄉土聳身欲上太華峯十
丈花前築書圃金精生水出玉泉香穿九地達九天天雞
一鳴海波湧初日正照花光鮮仙人倚杖顧之笑君家去
此四百年此來倘欲尋真源儻然卽之杳然去惟見風葉
翻田田君才今世豈易有初授一官憐白首九州星野劃
雍豫百里關河接襟肘側身西望青芙蓉略如魚戲蓮葉

東爲君把酒話往事春風送別毋怱怱城南杜趙郡蘇一
賢兩地稱名殊後之視今猶視昔有人更畫蕪城圖我作
是歌非數典蓮花妙法無盡轉

寄李玉洲同年

一醜遙飛賀謫仙賜環兼許住林泉梧桐鳳老仍巢閣笠
澤花深好放船落月屋梁頻夜夜臨風書札又年年吳淞
遠隔三千里攜手何時共醉眠

自鄖陽迴舟再過重灘

送客桃花水迎人亂石灘船從千丈落春到九分殘風慢
且高捲雲山須再看去時新綠柳飛絮已成團

秋夜舟中對月書懷

楚江煙水闊暮色橫西林涼颺渙微波冷然清我心何人

隔秋浦月下彈鳴琴我欲往從之滄流杳難尋感此三歎
息望古懷知音

明月照江水秋色何嬋娟我來天一涯再見清光圓暢以
塵外跡緬彼區中緣美人隔幽期芳蓀共誰攀中夜不能
寐徙倚涼風前

林璫字玉相永年人雍正丁未進士改庶吉士授編修
護駕村

杏花開滿徑晴日倍光輝村酒無賢聖山園少是非老農
驅犢過童子牧羊歸目斷長林際樵歌入翠微

李重華字實君號玉洲吳江人雍正甲辰進士改庶吉
士授編修有貞一齋集

詩話玉洲詩說陳義甚高陶謝李杜韓蘇諸大家外
鮮所許可時有見到語亦或憑臆而談如謂妃呼豨

形勝余言
九
爲摹擬風聲於古初無所本其詩七言古體骨格凝
重波瀾老成絜集中各體爲最勝乃篇什獨少未免
有不善用長之憾

雜詠

伯鸞吟五噫平子詠四愁身世兩遼闊居然杞國憂賢英
美儒術公卿富王猷譬彼鴻鵠翔蜩鸞豈預謀黃鐘變重
陰氣到物自柔聊當撫流運順化窮娛游

東坡和陶作才力本富有滿抱不合時知能似陶否羲皇
以上人達者得尙友淨心無物役真氣託杯酒杳杳源際
花迢迢宅邊柳雲龍非我期枝鹿庶爲偶

世事賭一局擾擾惑後先甯知袖手人偏得其中立華裾
徇形役被褐遺塵緣水靜鑒猶朗况乃全其天堯年積餘
潦岳牧紛求賢汾陽冰雪膚凝神何宴然

游魚在江湖野鳥在泱泱浩蕩迷所之鱗翼遂而長俄然
易其性毋迺太矯枉煦沫豈兩忘鼓鐘非惠養徐于以寢
興是道復焉往疇其覓遺珠委心於象罔

行天無巽風卉木誰敷榮出地無奮雷句萌誰挺生維人
有韻語油然暢其情人樂應羣籟天人斯合并軒律肇元
氣虞歌配元聲洋洋盈耳哉神聽其和平

閒人喜種花勞者藝其粟種花春已榮藝粟晚而熟方當
游賞時賤腹而貴目豈知收穫候貴賤有翻覆翩翩輕薄
兒早歲驚華轂兀兀老著書英名重渠祿

龍性或可豢麟游或非時未若九霄鳳覽輝而下之朝飛
扶桑津暮宿月樹枝翱翔閱千載秉德何由衰倫云聽其
鳴夔亦致其儀向非軒與虞爾技將安施

國士橋

南登國士橋乃得豫子碑豫子報智瑤因難始見奇身死
匪立名志各有所爲愧彼懷貳心萬苦安足辭佳哉趙襄
子意實終始之劍擊號者三壯士俱揚眉精誠感冥默衣
血爲淋漓忠臣值賢主名義兩不虧吾嗤馬子長刺客相
等夷斯人今則亡事與曠日垂酌酒欲憑弔乘傳方颺馳
橋邊嗚咽水千載流酸悲

烏龍行

雞頭天險臨箕谷電激霆奔瀉其足此江舊襲烏龍名凡
鱗易見龍潛伏崖欹峽束窞莫闕下闕龍堂嵌坳隩方池
吞吐混江流幽竇虛無透山腹今年苦旱大雩祭張令勤
民事巫祝衝波逆石進魚艇布幣陳觴照犀燭維龍變現

若蠓蜓黑質錦章光閃目鱗鬚蜿蜒恣徘徊爪角紛拏時
往復詰朝動地滄雲雷甘霽翻江溢溪瀆褒斜萬戶總衢
謠沔漢千疇竟秋熟卽今報祀妥龍神瀕江廟貌峩新築
爭覲元殊鬪洎觀誠求迥異藏禱卜我來木落嵯岈空徒
見飛濤漱寒玉驪龍爾且抱珠眠明春更徧蒼生福

淨業湖看荷與沈歸愚椒園張鴻勳賦

玉泉百折穿城入積水瀾瀾泛澄碧倒影平吞彩鳳樓蒸
雲巧護盤龍宅我乘旭日追清風荷香塞天花繞空霞光
四映日逾媚露氣一吸天爲通此湖三疊連瓊宮太液卻
在宮牆中萬戶磅礴控其二長隄合沓綿雄虹行歌况挈
拏雲手共覓層臺坐窗牖奮袖疑探岳井蓮褰裳併踏瑤
池藕消夏溪山安在哉五湖煙權舊沿洄昇平一奏江南

曲願襲荷衣歸去來

次陳未齋同年韻題張南華畫

詩人偶作畫興與哦詩同髯張醉後輒揮灑意境不落畦
畛中片雲初生幽礪石萬吹忽入寒濤松似有靈氣盤虛
空移情莫辨山水窟但覺林巒窅窅泉淙淙維髯與我最
相得聯吟鬪捷時過從比年嗜畫恣游歷絕塵奔軼難追
蹤竭來許我畫尺幅千金拱璧惠未蒙俄然贈爾白銀盤
上青螺峰恍若置我五湖西畔錢塘東扁舟獨往意何限
斗室卧看游無窮况今新詩倡和總入畫奇妙髣髴神仙
逢憑將此圖引興聚高作掃盡世間俗筆滿紙塗青紅

賦得林屋洞送歸愚先生給假南還

洞天窈窕藏金庭詩翁選勝舊所經煙銷鏡淨落山骨想

見瓊宮貝闕排巖扃重尋闔奧入地底行空浪激聞奔霆
芝英鍾乳氣沈積變幻詭譎紛殊形燃犀散耀撲仙鼠攬
擾萬怪惑萬靈是時詩翁振策風泠泠手擠丹壁搏翠屏
人言路斷隔凡處到此天穿地豁雙湧日月流光熒三十
六帝之外臣倒冠落珮趨玲竚靈威秘笈併傳出云是夏
王緘鏑垂千齡詩翁含笑受玉牒愈使餘豪剩墨羅華星
我今夢游雜醉醒爲救劊石作篆銘峰巔縹緲聊復坐相
待遲我同乘倒影飛雲駢

送確士之京口

君向南徐去江山盡入詩樓高吞海地船放落潮時問古
懷昭諫留情見牧之勝游兼絕唱他日慰相思

紫柏山

紫柏山前石猶鐫辟穀居巒巖遞森鬱竹石宛清虛有意
從仙侶無妨翊漢儲功成身合退至樂是樵漁

過傾蓋亭

傾蓋亭前駐馬鞍鄰城風雨又漫漫交情邂逅成千古剩
有人間行路難

王文清字廷鑑號九溪甯鄉人雍正甲辰進士乾隆丙
辰薦舉博學鴻詞壬申薦舉經學歷官宗人府主事
有鋤經餘草續草

詩話九溪初官九溪衛學正即以爲號既成進士被
徵纂修三禮銓除實慶府教授朱文端奏留館改中
書科中書兼修律呂正義其所自著者有周禮會要
儀禮句讀考古源流諸書闕通博洽哀然巨帙乞假
還里至九十餘乃卒

有憶

斯人久不見望望倚闌干柳色秋江老蘆花夜月寒夢中
同醉醒燈下各悲歡應念孤征客霜貂舊已殘

偶見

雲去山色青雲住山色白去住雲不知空山自成色

車柏字宜年號璞賓滿洲旗人雍正甲辰進士歷官戶
部主事

天台道中作

炎威無著處路與鳥飛平山氣自爲雨松濤不記程寺依
高岸聳橋逐小溪橫悵望遙峯外朱霞幾點明

寄答康東侯同學

稽呂相違千里遙山川兩地思迢迢君應招隱歌叢桂我
爲離羣賦採蕭三徑琴樽心欲折五陵裘馬意全消那堪

形韻彙言圖卷之二十一
三
一片鄉關月更照愁吟入沈寥

賈如璽字信章號珥峯故城人雍正甲辰進士候選主事

小飲

欲澆壘塊倒金樽琥珀光浮染淚痕世味徧嘗濃似酒此
中真可度朝昏

呂守曾字待孫河南新安人雍正甲辰進士授完縣知
縣歷官山西布政使有松坪詩集

歲暮言懷

少年空得意及長慣憂心稅急田難售鄉遙夢互尋疏風
憐薄醉暮雨逼長吟別後恆相憶應知鬢髮侵

寂寞成吾懶中懷雜苦辛風霜欺病客歲月促歸人此事

猶疑久無言坐起頻不知鄉國淚到日幾行新

去橫山步仲兄原韻呈諸親友

舊業承三世何妨更卜居秋山人未去老樹葉先疏作客
偏聞雁臨淵且釣魚他年歸興好還此讀遺書

傅輝文字曉亭號筠溪簡州人雍正甲辰進士歷官鬱

林直隸州知州有承翼堂集

和舅氏蘇學博歸休

舉世輕肥逐馬裘孤懷別欲寄林邱曲彈古調難青眼官
老明時已白頭宦海夢疏金紫賤故山情重水雲秋寒氈
脫卻漁竿在收拾經綸付野鷗

傷春

幾樹鶯啼酒未釀聲聲喚起杜司勳初三斜月今宵見第

一春雷昨夜聞愁欲遣時偏聽雨夢將回處尙疑雲沈郎
腰細無多少又被東風瘦幾分

嚴遂成字崧瞻號海珊烏程人雍正甲辰進士授知縣
乾隆丙辰舉博學鴻詞歷官嵩明知州有明史雜詠

海珊詩

詩話海珊舉鴻博以居憂未與試詩工力湛深明史
雜詠古今體錯出好為翻案未免有失之太過者嘗
賦那臺懷古云日離滄海遠雲入太行微自注謂滄
溟登那州樓詩紫氣東盤滄海日黃河西抱漢關
統弇州邇邢州黃榆嶺詩倚檻那臺過白雲城頭風
雨太行分及身履其地知此景了不相涉持論頗
為平實詠物每於空際著筆如桃云怪他去後花如
許記得來時路也無海棠云睡味似逢鶯喚起酒痕
仍借笛吹消梅云殘笛一聲涼在水遠峯數
點碧於煙法梧門謂如李龍眠白描畫信然

書明俺答款塞事後

一綫黃牆障朔風騰驤鐵馬潰雲中骨堆石勒漚麻嶺血

浴高歡避暑宮樓畝糧增三日竈乘城卒卧六鈞弓漢家
別有遮欄法貢市年年貨幣通

一家兄弟總能兵聯臂橫吹筆策聲幕上有烏爭夜遁野
中無草廢春耕盧龍已賣防秋塞上谷虛傳突騎名差喜
紅莊工殺賊不教歸到白雲城

曲峪鎮遠眺

地近邊牆畫角鳴朔風割面凍痕生雕盤大漠寒無影冰
裂長河夜有聲新鬼或傳歸遠戍黑雲渾欲壓空城憑高
差喜狼煙息饒吹飛來列校營

海潮寺

樹壓烏聲死綠垂山勢圍漏雲雙塔過病雨一花飛魚菴
攤僧飯蝸涎蔓佛衣無風空外響人說夜潮歸

明倫彙編 家範典 卷一百一十一
七
爲姚玉裁題蓮花莊圖

浮霞墩後月湖前只合君來占數椽如此荷花雲錦地可
無書畫米家船

溪山八面翠環城欲認君家路易明無數垂楊遮不住好
風吹出讀書聲

題桃源圖

師來先生生清門勝國遺老中丞孫靈寶夙經龍漢劫義
熙私記柴桑村問菴中門兩版白雲留住住心難轉生涯
三絕畫書詩踏破當時鐵門限流傳一幅桃源圖茅屋禾
出路超遠漢魏茫茫那可追依稀猶認秦雞犬想其下筆
寓深意賸水殘山到雙眼洞口扁舟歸去來猿唳鶴怨吾
知免吁嗟乎平原花木摧爲薪葛帔流離感路人茂先機

杼魏公笏長埋黑土生丹燐此本奔藏幸無恙後賢購以
雙烏銀浴手令我肅展視如獲劍履思先民夜深風雨起
寒籟墨痕中溼西臺淚

張復字來軒雲南人雍正甲辰進士由主事歷官江西
知州有覲光澹園未信諸橐

孤客

顧影蕭然莫怨癡萍蹤未偶欲何之還家夢有殘燈覺去
國心惟短劍知杜牧榻前茶熟後仲宣樓上日斜時古今
多少天涯恨付與秋鴻寄所思

任舉字漢冲大同人雍正甲辰武進士歷官重慶鎮總
兵隨征金川陣亡贈都督同知諡勇烈

塞外九日

明詩卷言圖卷之二
蕭蕭匹馬走荒郊攬轡龍堆興倍豪萬里煙銷虛壁壘
身霜染舊征袍黃河水勢浮秋色瀚海風聲度遠濤天末
蕭條誰送酒鄉關回首憶登高

秋夜出塞

故國迷離夢裏秋幾重山水幾重愁甯辭鬻雪同蘇武肯
爲飛鳶念少游苜蓿飽嘶天駟馬酪漿渴飲月氏頭徘徊
不減籌邊慮豈有勳名後代留

金志章字繪直號江聲錢塘人雍正甲辰舉人歷官直

隸口北道有江聲草堂詩集

詩話繪直性耽撰述好游覽尊聞錄謂爲煙霞水石
間客與梁葑林杭莖浦全謝山諸名流往來唱和繪
直之詩獨高華流麗驥
步一時頗與青邱相近

映壁菴懷古

禪房遙隱鳳城西故國空山望轉迷輦道已荒春草合妝
臺猶在野禽嘯齋鐘佛火銷殘劫壞壁蝸涎認舊題太息
寺門桃李樹無言偏自得成蹊

登六和塔

浮圖凌虛空直上破青靄創建開寶初屹峙吳越界厚蟠
蒼山根高出飛鳥外我來試登攀耳目爲一快初桃穿沈
冥稍進離昏昧盤迴訝螺旋捫摸賦神怪逾時至絕頂遂
與日月會連山俯培塿長江繞衣帶海門列其東潮頭勢
澎湃會稽青嵯峨隔岸如點黛風帆與沙鳥一一類浮芥
回觀壁間書劫火燒不壞乃知象教雄愈信佛力大賈勇
既忘疲登危亦知戒

拜奇零先生墓

廿載橫流息逝波乾坤難造舊山河獄中書是勤王檄海上詩爲正氣歌天意何曾忘肅殺人心無奈厭兵戈祇今荒冢南屏下碧血誰將片碣磨

自楊梅塢循九溪十八澗至理安寺

青松影裏尋山寺黃葉堆中踏澗泉行過亂峯溪又轉一聲疎磬到門前

游桐君山用薩天錫原韻

桐廬江水見底清桐君山色青繞城仙人指桐去千載至今草木猶知名我來六月火雲赤爲訪名山侵曉出芒屨竹笠紫蕉衣瀟灑行蹤雜樵牧松風迎客如有靈笙竽響答洪濤磨丹崖轉處洞門豁石壁裊裊垂蒼藤危樓一凭塵懷少欲把仙書拾瑤草西飛海鶴不歸來嶺上荒祠白

雲老

迴雁峯

聞道隨陽雁年年到此迴瘴雲飛不度炎海客能來峯勢
連衡起灘聲挾雨哀禪關聊一憩歸路晚鐘催

阻漲

大魚灣頭水一丈浩浩洪波魚大上青山兩岸橫綠陰苦
竹叢深鷓鴣唱短篷一葉衝浪來獨客倚花心徘徊卻思
六月西湖漲紅藕黏天到處開

冷水鋪

秋江淥淨不可唾遠近碧玉相因依白鷗傍槳自雙浴黃
蜨逆風還倒飛人家盡向翠微住舟楫適從湘口歸仙山
十里總圖畫欵乃一聲煙景稀

明時朱言匯卷二十一
十七
登姑蘇元妙觀彌羅閣

巍然傑閣俯塵寰
暇日登臨破旅顏
十里錦帆吳苑樹
數峰螺黛具區山
蒼茫海氣迷村落
縹緲天風響珮環
卻望白雲親舍遠
幾回翹首憶江關

月夜同重闋秋岳登虎邱

一片深宵月
明明照虎邱
松杉交影靜
蘋藻上階流
夜舫吹簫客
春鐙賣酒樓
他鄉有朋好
竟夕此淹留

臺畔人初散
虛亭月可中
寒煙沈鶴磻
疎磬落天風
光滿疑無地
人行恍在空
忘言契禪悅
還欲叩生公

然犀亭

江左勤王事
久非孤亭猶
自記然犀已
無赤幘乘流下
剩有脩蛾入望
低草綠連山
飛錦雉花紅
滿地繡棠梨
春風

兩度追游到屐齒相尋路不迷

江行望樅陽鎮

郵籤鳴水驛舟子解維艖曉日波心上人煙市口交江晴
竈出曝沙暝燕營巢漸喜樅陽近雄風想射蛟

繡谷亭藤花歌

君家紫藤看最好虺結蚪蟠勢夭矯千條絡格影倒垂萬
穠捎簷風乍嫋東皇留取伴殘春破萼漫嫌開不早花時
主客每盤桓朗詠長吟恣幽討紫雲燄暝結流蘇罨畫叢
深張羽葆幕天冉冉欲成陰繡地斑斑渾未掃蜂聲卓午
晴更喧蝶影斜陽暮猶繞晨澆底用井華汲日炙何愁碎
英槁橫空出霧愛丰茸直上蹇雲自縹緲羅囊戲睹憶諸
郎錦髻斜牽嗤一老年年花底具尊壺坐藉莓苔薦清醪

醉來興發擘銀箋，狂態真成被花惱。莫將金谷比繁華，自有仙游擬蓬島。

繡谷先生有所藏宋槧丁卯集亡去二十年，令嗣甌亭游京師，重購得之，以歸。同人賦詩爲記其事。

樓居插架逾萬籤，五車四庫皆能兼。丹黃一一手勘定，部分鱗次何精嚴。就中名集數丁卯，槧本最古心所欣。何年一鴟竟羽化，巧偷豪奪生憎嫌。六丁冥搜苦無計，廿載抱憾歸幽潛。讀書繼緒有令子，手澤每念襟常霑。驅車偶然適燕市，輒紅撲面塵纖纖。朝聞邸舍打門急，有客持售初開函。衛公故物忽驚覩，悲喜交集敬拜瞻。卷端題識認遺墨，左方印記留朱鈐。呵護定蒙鬼神力，點斲未受蟲魚蠶。探囊購贖敢辭罄，百緞索賈甯嫌貪。楚弓楚得足深慰，摩

挈繙玩忘飢饑羽陵蠹簡共什襲宛委祕冊同包緘攜歸
陳書告先子水沈細炷方銅匳孝思靈爽共感召丁部重
入如新添熊熊旦上吐光氣南極果應星文占抽思騁祕
發高詠妙處神味超酸醜同時題贈悉巨手雕章麗句盈
細縑惟余經年負宿諾苦吟屢斷霜髭拈郢州有知應大
笑笑我細響徒沾沾不如韜筆且藏拙靜看花影搖風簾
王延年字介眉號湧輪錢塘人雍正丙午舉人乾隆丙

辰舉博學鴻詞歷官翰林院侍講

吳退庵曰介眉熟洽諸史鉤較抉摘灼然可傳蔣太
僕漣薦應制科後以史編經進賜官學正尚書蔣公
溥劉公統勳復以經學交薦王申會試年逾耄臺由
助教晉司業以歷代編年紀事進呈賜侍講又嘗作
闕江攷極詳核
有湧輪居文集

詩話歷代編年書成名曰補通鑑紀事本末
豐順丁氏持靜齋書目有其稟本二十九卷

和稚威飲杭太史丁香花下

來向花前倒酒卮白頭應自歎彪之盡驚晚春光老便
覺低徊舞態遲無力故畝芳草徑有香肯趁海棠時知他
百結何緣解消息還憑隔歲期

甘禾字周書號愛廬奉新人雍正丙午舉人官兵部主
事有愛廬詩鈔

雜詩

僦居郊宮時皓皓流秋月及此逢長至庭中積白雪迴幹
洪覆功變化轉眉睫營營良足鄙悠悠詎不察守志不溫
飽從人遞傾軋學道苟無成愧此元鬢髮隨時尙勉旃碩
果叢芽茁

蘭蕙生山下背日吐奇芳不如山上苗欣欣向太陽我游

盛明時奮足思騰驥既阻青雲興悽悽心永傷尙思迴神
龍九陰揚燭光

淺淺城下水安能運吞舟簡珠入沙石誰謂光猶浮嚴霜
擲紈扇酷暑棄輕裘平居不蓄士緩急孰相投如何雙蓉
鏐不遇壯武侯坦坦雪廬卧時哉聊優游

高爲阜字守村鉛山人雍正丙午舉人歷官姚安知府
有守村詩藁

大關

關前曾養馬爾日建孤城樹雜巴人種田多戍卒耕猿嗥
常趁曉鳥喚不知名長夜難爲聽蕭蕭山雨聲

登望湖亭書懷

石欄斜倚面長空貝闕蛟宮俯瞰中浩淼何年支楚尾乾

坤有地冠江東漁歌遠近歸南浦雁侶蕭條響北風最是
開懷吟嘯處一身高並五峯雄

郭爲觀字叔瞻猗氏人雍正丙午舉人有涑瑯集

安邑董心推作舜陵四辯詩見示屬和因感記傳所
載事地可疑者并類及之二

舜葬鳴條豈可誣無端腐史記蒼梧嶺南今日猶荒服中
古何嘗入版圖

南巡至嶽有明徵遠涉炎荒何所憑九嶷連綿七百里蒼
茫底處是虞陵

鳴條岡近屬郊圻起立圍陵斷不違寶牟云舜卒鳴條去
所都蒲坂七十里無

緣遠葬蒼梧
四千里外野死不經更野葬無人解證竹書非

九歌皆詠楚中神秦士荒唐妄指陳以湘君湘夫人爲皇
英蓋秦博士對始皇

語 若道湘娥爲二女東君山鬼又何人

天子行師豈挈家

世謂舜征苗二妃從之不及遂溺于湘

二妃底事過長沙

況聞野哭非關禮斑竹何從染淚花

張元字殿傳號榆村淄川人雍正丙午舉人官魚臺教

諭有綠筠軒詩

詩話榆村大父可績廣文詢有靜然堂集父式九孝廉永躋有蕉雨軒詩榆村詩有家學又及聞漁洋緒論端疑開拓風格自高盧雅雨守永平延主書院助成感舊集小傳及雅雨再至揚州寄詩有曰高樓應續蕪城賦勝事還開文選樓是時雅雨正徵選山左詩也可績年至八十有六式九八十有四榆村亦逾八十仍世大年尤爲罕觀

山行

石路逶迤更幾回馬嘶蹀躞翠嵐堆青山缺處閒雲度紅樹叢邊返照來遠水蒼茫帆影沒長天厯落雁聲哀旗亭

田田余言臣才二二二
遙指荒村近旅邸秋風更酒杯

題歷友伯父崑崙山房

小結橫山麓清知處土家秋風三徑竹春雨一庭花跌宕
新詩句蕭閒老歲華蒼茫時極目岸幘數嘯鴉

帶存以同公舒游陽邱別業詩見示賦贈

幽尋昨日失追攀喜對新詩爲解顏畫舸丹楓繡江木白
雲紅葉女郎山松陵唱和誰高下謝客風流亦等閒自是
陽邱秋色好清吟滿貯一囊還

夔存招同諸子游明湖

移權晚分菱荇香波澄鴨綠月如霜平湖倒影沈星漢列
嶂臨城壓女牆斷續漁歌迴浦澹蒼涼雲水落瀟湘清光
是處留人住拂曉遲歸亦不妨

陳其揚字禹封號航齋益陽人雍正丙午武舉有習是齋詩集

過袁氏園林

瀟灑開三徑幽居樂一窩樓高俯江竹徑僻入煙蘿淅淅孤雲度寥寥獨鳥過坐來看月上疏影亦無多

山隱江光白庭昏燈影紅本憑詩過日況得酒爲功舊約客先到茲游興不窮所嗟惟物役來去尙怱怱

王郢玉字五懷漢陽人雍正丙午副貢官竹山教諭有思貽軒詩藁

夢乘舟訪謝玉山阻風而還

歎息經年別音書無自通夢迴孤枕月心折一帆風積雪寒山外哀猿永夜中萍蹤何處定徒倚望飛鴻

彭啟豐字翰文號芝庭長洲人雍正丁未一甲一名進士授修撰官至兵部尙書降侍郎旋復有芝庭先生

集

詩話芝庭少與沈文愨同學同輯古詩源行世嘗結北郭詩社與徐龍友盛青樓陸學起諸子唱和既乃以會狀起家科名與大父同一時稱盛事立朝醇謹應制文字多稱旨詩篤雅有繩尺王蘭泉摘其佳句如楊柳春風江上權杏花細雨酒家樓漁唱數聲初出港樵風兩岸送歸船落月疏星荒店閉西風鼓角戍樓寒鐘動遠沈山店月林疏斜風酒旗風皆有中晚名家風度晚列香山九老高廟賜聯曰東澗野泉添碧沼南園夜雨長秋蔬芝庭賦詩紀恩蓋其家有南園歸田後憩息其中實有聽泉賞雨之樂也

哭楊玉符先生

白首江湖作散人忽投漠北遠羈身銀鐙夜動天常黯魑魅朝游地不春拊缶幾曾歌頃豆因風空自憶秋萼江南若有招魂所爲告巫咸上玉晨

夜坐

松竹參差靜掩關，一庭水石洗塵顏。
疏風影動林梢月，宿雨涼生檻外山。
飲露翠綉身自潔，鳴皋雪羽迹同閒。
何須遽作歸田賦，此地由來遠市闌。

山行

峻樹連雲棧，層梯結構牢。
伏流芒屨溼，亂石馬蹏高。
黃葉飄金埒，青痕界雪濤。
身凌眾峯頂，登頓不辭勞。

楊松驛題壁

結構杠梁十月交，行厨信宿問山庖。
漸枯澗水停巖竇，半落霜林露鳥巢。
磴道盤空凌鐵索，籃輿冒雨度雲梢。
天寒極目村墟景，野積茨梁屋覆茅。

再過剡谿

平生雅愛孔淳之剡曲山川鏡裏移春樹參差浮岸遠布
帆層折入山遲沒篙水漲添三尺抽筍林深茁萬枝竟日
瀟瀟煙雨溼寒雲千疊望猶疑

輓周迂村

舉世罕中行同人思瓊者迂村豈真迂古調自陶寫獨行
寡朋儕結習耽風雅清如冰弦彈冷若松風瀉卧病同衰
安苦吟類東野一編手自攜不道知音寡盈縮有前期年
命詎爾假新詩入選家漬墨淚盈把墓櫃何時封踟躕夕
陽下

棲霞禪房雨坐

雨氣溼嵐容僧房暫倚筇聲飄千澗瀑影暗六朝松暝坐
鐘魚寂清齋蕨筍供階前多藥草何處覓僊蹤

觀象臺

周天三百六十五去地九萬有一千茫茫大造亦可測觀
星之臺始何年虞帝璿璣制初創姬文載詠靈臺篇銅儀
昉自漢宣帝遞相述作逾精研古遺鑄象十三座我朝新
造居中圍西洋算法窮杪忽橫互尺度羅星躔五金之精
發異彩四柱屹峙生祥煙我來駐馬厯臺上落落萬象光
芒懸超然置身六合表欲窮造化玄中玄側聞人主象太
乙執德馭世無頗偏敬天以心不以器神凝於穆非言詮
蓮漏聲傳初日曉龍樓彩映紅雲鮮惟願雨暘協疇範天
人一氣相回旋

伐松行

蘄州環秀山寺前有松百數十株相傳唐宋時舊植也州守長全伐之過半寺僧開慶作

棹松詩

十首流傳京師府尹賢君以其事上聞并及他贖貨事下守于理爰紀其事

環秀山前環秀寺碧瓦連雲樹凝翠中有蒼松百十株栽
從前代經千載鬱蔥靈氣鬼神扶來往行人風雨避俄傳
州守符牒來役使梓匠凌崔嵬長繩倒曳斤斧斫勢震巖
谷聲轟雷一朝山容頓憔悴名材劫盡空徘徊老僧感事
悲且怒欲叩天閭無路訴吟成七字輦下傳太息山門景
非故老鶴歸來失舊巢蒼龍化去迷煙霧大吏聞之愕且
喜霜威凜凜白簡馳畀茲三尺無佚罰昭灼天道誰能欺
由來仁民兼愛物所賴彰瘡公無私邇來吏道日益靡剝
民脂膏類如此松遭剪伐不自言民苦呻吟孰爲理茁葭
應爲詠周詩東溼甯當追漢史

鄒一桂字元褒號小山無錫人雍正丁未進士官至禮
部侍郎贈尙書有小山詩鈔

詩話小山寫生之妙追媿徐黃在有清一代中與
南田南沙足稱鼎足詩爲畫掩吐屬要非凡近

天柱縣登樓

喜得齊雲倚石開不愁前路有崔嵬何人便說南天柱我
亦蓬山頂上來

張鵬翀字天扉一字抑齋號南華嘉定人雍正丁未進

士厯官詹事有南華山房詩鈔

詩話南華侍講樞取經史事可爲法戒者爲詩以進
詩才敏贍沈文愨嘗稱其賦雁字詩日未午成七言
律三十首張文敏與奏事乾清門下出所佩玉羊共
翫南華卽成五言一篇方驚歎間忽殿角割然有聲
則四奄舉大冰墜裂南華又成五言一篇其捷皆類
是畫亦如之嘗作春林澹靄圖進呈題六絕句其上
裕陵用其韻賜題並命張文和傳諭乘輿偶成非
誇多屬靡蹈玩物喪志之戒南華以君和臣詩於古
罕見復再疊原韻徵同時詩人廣
詠號金蓮榮遇集附詩集以行

張司寇照墜馬傷臂幾折幸得良醫復完索詩稱賀

爲賦二章

駮馬天街一蹶中險將折臂兆三公翻身學士疑成瓦擊

掌仙人不是銅漫笑莊生虛攫右早誇杜老妙書空

能左手書

斷碑半截渾難補

案頭共玩此帖

天遣重完賴國工

失馬何須弔塞翁依然開口笑東風屈伸使指良非便運
轉從心已自雄就筆書餘新夢斷入林把處舊游同九達
塵鞅經年倦管領清閒百日中

金相字琢章天津人雍正丁未進士改庶吉士授編修

歷官侍讀學士

登武昌城

高城空對白蘋洲黃鶴何從問昔游潮汐暗分湘漢水煙
雲寒合洞庭秋千年騷賦聞湘瑟三楚雄風入庾樓羈客

蕭涼頻北顧大隄難繫木蘭舟

劉青芝字芳草號實夫襄城人雍正丁未進士改庶吉

士

詩話襄城劉氏羣從皆績學能文時稱六劉以芳草爲白眉居喪哀毀幾不能起服除無意公庠兄華嶽強之行既登第華嶽至都門視之遂引疾並駕而歸閉戶著書垂三十年詩不存稟然一鱗片甲故自不凡

寄李侍御餘三同年

驄馬乘來四載餘京華處處避旛旗飽聞聖主求言詔未見諸臣諫獵書豈是陽城方簡默不勞永叔代躊躇老生局外多私計勿使吾曾望或虛

趙躍齋彭翰文兩太史自滇南典試歸飲余七一草

堂酒酣躍齋出詩扇以贈詩乃試院作也依韻酬

之

柴門花柳鎖風煙迎客簷前月正圓四座歡聲搖燭彩三
更杯影倒星躔論心漫許陳雷友顧步終輸李郭仙入手
青團光怪起半天飛墮白雲篇

楊錫紱字方來號蘭畹清江人雍正丁未進士由主事
官至漕運總督諡勤愨有四知堂集

夜舟

入夜鍾吾道微風一葉舟徐吟遲月上獨坐看星流野闊
煙無際波閒釣未收逝將謀小隱生事老羊裘

打牖

水急船沈暮雨寒長繩百尺力應殫耐將老眼看身事日
日鮎魚上竹竿

查園

花枝零落畫簾空，
亭角蛛絲半網蟲。
只有清蟬仍抱樹，
盡情嗁到夕陽紅。

周人驥字芷囊號蓮峰天津人雍正丁未進士官至廣

東巡撫有香遠堂詩稟

詩話蓮峰與兄躍滄觀察人龍從弟衣亭太史人麒
先後登甲科歟歷中外其所爲文昆弟合編爲居易
堂三周文稟亦皆能詩躍滄衣亭未有專集樂飛泉
梅樹君選刻津門詩桂枝崑玉猶可見其一二也

夕郊

夕陽衰柳暗長隄，
郊外寒光入望迷。
匝路藤枯猶有幹，
斷橋冰合已無溪。
煙荒山下樵夫路，
霜印林中獵馬蹏。
幽興獨來仍獨往，
一聲長嘯嶺雲低。

溷陽晚眺

荒城四面是山圍郭外人家隱翠微積雪白侵游子鬢夕
陽紅上牧童衣峰連暮靄千村暗樹擁寒煙一鳥歸薄醉
吟殘猶徙倚閒心覺與世情違

高淑曾字魯如號椅園沂水人雍正丁未進士由知縣

歷官常德知府有雙介軒詩集

詩話椅園初宰蒙城遷牧六安擢守雷州值六安饑
尹文端督兩江以椅園得民留治賑以勞致疾賑畢
乞歸病愈又守常德武陵令貪酷椅園糾之上
官意不愜撫微故論罷椅園喜讀書所藏甚富

次韻家南阜左腕畫梅

老阜澹蕩人肝腸澡冰雪左腕出霜枝勁氣如拗鐵凍蕾
吐幽妍一一冰肌裂不競桃李榮彌保歲寒節調羹知何
時莫使幽香滅

題顛道人畫

顛道人維揚農夫無名字自鑄印日胡
大酒酣卽弄筆作小畫畫成自裂或以

與行道人後莫知所之人以爲仙去
余謂此必有託而逃者詩以紀之

皴老苔欲活墨淡花如影瘦玉卓蒼煙藐姑倚素景至人
耽幽寂秋氣隨毫穎潦倒有真意澹泊無人領熱顏觸冰
雪開函默自省

又雨

雨氣掩晴霓蒼然到遠隄雲飛迷舊壑花落葬新泥錯莫
倚虛幌沈吟聞暮雞莫教禾黍盡野老重含悽

單鉦字亦聲號振庵易州人雍正丁未進士歷官池州

知府有鑊冰詩鈔

詩話振庵初宰壽昌撫輯流民釐剔逋賦嘗歎獄有
疑以去就力爭終申其議遷守池州會清丈司發入
折小弓振庵持不可中蜚語罷去詩有風骨五言如
登吳山云江湖仍左右吳越幾春秋途次云雞聲
曉月人語起殘更七言如署齋云帆檣漁釣論潮水
煙火人家共島雲重九云尊前瘴海黃花酒夢裏煙

夢白鷺磯皆
其佳句也

過百步溪

路向天台山四圍屈盤石磴入雲微
林猿探果跳枝過江鷺銜魚貼水飛
蒸作曉霞迷洞口滴來晚翠溼春衣
杳然乘興忘機事欲覓仙靈叩石扉

湖上

潏灩湖光似鏡清
支筇悵望獨含情
煙籠古樹多藏寺
嶺度殘鐘半入城
山駐絮雲閒不散
波涵珠月曉還明
卻憐放鶴人仙去
誰爲梅花作主盟

再過富陽

敲枕推篷賦遠游
艣聲欸乃狎沙鷗
空濛煙雨舟如葉
又過春江第一樓

徐時作字鄴侯號筠亭建甯人雍正丁未進士官滄州
知州有崇本山堂詩鈔

江口望金陵

江流何浩浩日夜無窮已隱隱石頭城虎踞龍蟠地泛舟
極遠目天際孤雲起弔古遡前朝戰爭空戍壘芳草自萋
萋水弱山柔靡宋齊與梁陳六代如夢裏古來圖大事江
東何足齒帝業總偏安王氣亦難恃江山雖秀拔風俗終
奢侈元氣洩波濤英雄能有幾何如幽燕間提封直萬里
三邊歸控制四輔堪俯視臨風發浩歌一笑空江水

小姑山

江如鏡面月如環幻作妝臺繞翠鬟欲會彭郎何處是小
姑山卽望夫山

王宇樂字堯賡號怡亭鍾祥人雍正丁未進士官西河

知縣

同谷謁杜少陵祠

遺跡傳聞久青山到眼新登臨惟我輩漂泊自詩人間道
初歸闕驅車又去秦誰憐垂白老盡室在風塵

唐開中字建五號雲臺路南人雍正丁未武進士官至

貴州提督有戎馬閒吟

至凱里有感

數載頻經此地過林間不復聽樵歌四山落日行人少一
路新墳戰骨多僻壤何時豐黍稷荒村猶未息干戈我來
空負君恩重滿目凋傷愧若何

晚晴移詩匯卷六十六終

晚晴詩匯卷六十七目錄

劉大櫟 十七首

魯克恭 二首

張逢堯 二首

曾劭 三首

方璫 二首

夏詔新 一首

顏懋倫 一首

趙宗猷 二首

梁詩正 八首

嵇璜 五首

西成 一首

劉純燁 一首

程盛修 十二首

吳履泰 一首

曹一士 五首

伊福訥 七首

章秉銓 三首

沈世楓 五首

陳德正 十五首

商盤 十八首

劉暉潭 一首

劉暉澤 二首

馬長淑 一首

袁守定 五首

王爾鑑 二首

汪振甲 三首

戚弼言 一首

晚晴篳匯卷六十七

徐世昌

劉大櫟字才甫又字耕南號海峯桐城人雍正己酉壬子兩舉副貢乾隆丙辰舉博學鴻詞庚午舉經學官黟縣教諭有海峯集

詩話海峯以古文辭名世上承靈皋下開惜抱顧靈皋不能詩海峯則頗致力於此所論次歷朝詩選上下古今力趨正軌與漁洋古詩選意指略同而門徑較爲擴大其詩意興豪邁波瀾老成以視惜抱未易輕軒

游龍眠山

良辰值暄序振策遵靈崖暗谷旣陰闕崇坡復陽開斑斕絕壁峙竚窳曾阿頽朱葩冒石脊翠穎環水涯文魚躍西澗森木榮南垓幽幽乳竇滴殷殷飛瀑厖蘭野霞氣上松

門樵響來引手摘弱卷散髮依蒼苔攀登不知倦憇坐時
忘回志虛浮慮遣襟遠羣象該况挈素心侶同傾昭曠懷

樓上曉望

澹然九秋時復此層樓上遙虛聳碧峯嵯峨非一狀宿雲
澗中收輕煙林外颺天高見鵠飛風遠聞漁唱欣茲景物
佳撫心默惆悵

題羅生畫石扇面爲張矴山

羅生十日畫一石嶙峋不異千仞山似從昨夜姑臧至二
十八宿森爛斑此時七月苦炎熱漫膚多汗行路難張君
持此動搖微風發石氣隨風生薄寒使我凜烈自願忽覺
衣裳單我聞昔日女媧鍊石補青天餘此一握蒼且堅一
朝大風從北來吹汝墮入塵埃間溪旁久卧胡不起視彼

後者加之鞭直使駕橋渡海去東看日出補桑邊石乎胡
不含滋吐潤惠四海空存大骨堯堯學學然我今齋戒發
取視應得金簡玉書九疑東南宛委篇不然緹巾十襲空
見憐無殊瓦甃何足觀

吳大椿置酒丁香花下

江南三月江水平清風暄日暖魚苗生客子飄零慣車轍辜
負故園春景晴今朝喜見草芽出了香枝上蒼玉明延陵
公子動逸興安排酒盞招劉伶平生抵死荷一鍤况聞牛
與羊魚腥侑觴復有好絃管連昌宮辭琵琶行吾聞阮嗣
宗因人善釀求步兵又聞灌仲孺一錢不直衛尉程我輩
天涯久淪落春光入座誰能醒畫史解衣槃礴羸滄于失
笑冠絕纓飲者身在卽不朽何須刻作鐘鼎銘君不見此

花含吐如瓶瓴欲開不開殊有情一夜東風起蘋末紛紛
霰雪鋪檐楹

張約夫刻石歌

和璧三寸廉且腴冷光射人金僕鐔是誰雕琢窺唐虞囊
括六璉包四瑚天陰雨濕號鼃鼃忽然初日開芙蓉明奪
離婁巧班輸使我一見疑怪俱肅然想見羲皇初神龜出
洛河負圖子昂死去文彭無眼前再見張約夫張君自出
繫橫渠大賢苗裔與眾殊筆花迸落凌歐蘇不施鞞騎生
馬駒如斯小道乃其餘我亦顰里鐫蟲魚譬如天驥尾蹇
驢秋河急雨翻跳珠摩挲印譜空躊躇

登龍山

夙昔負山居未知居山樂歸來澣塵襟追尋舊潭壑登頓

覺徑仄躋攀，慚足弱峰形。喜刻鏤壁色，疑塗堊複澗。旣縈
紆環林，更參錯哀聽。仰淙潺驚顧，俯峯粵宿雨。含餘滋初
篁，解新籜吹萬地。籟鳴出虛天，樂作雲陰冒。水生巖花依
草落，傾暉忽向西。歸路欣殘灼，典闌已歷程。心結重游諾，
繕性宜寂寥。賦命非窮薄，宇宙曠無垠。知仁聊可託。

梧樹行

金谷洞口梧，十尋巒岈直。上干太陰石，根銅榦自終古。白
蘚蒼鱗留，至今念爾長材。世所鮮待入宮懸，逐匏管託身
虛。北無人收零落，秋風歲華晚。

題孫懷三詠佛手指詩後

昨日觀君佛手詩，如從指上見明月。芳果驚看優鉢曇，頓
令我亦離言說擾。擾浮生夢寐間，一彈指頃千漚滅。王侯

將相只須與何況我輩孤且拙我從朔漠厭風塵君亦南
荒窮跋涉夢中相對兩羈人回首舊游成歷劫拈花自知
色不染捧鉢誰言食堪闕從前被螫指可斷若使歸空手
當撤心清那用挈軍持跡祕聊須書貝葉華嶽三峯掌已
開請君更問維摩詰

仇英戰馬圖

韓幹畫馬古無匹仇英復入曹霸室弄筆偶成出塞圖英
姿粉墨何蕭瑟鞍馬甲士無一同百十嵬嵬裝束雄蔽虧
掩映難悉數馬露頂踵人尻鬃邊關日落千山紅半天颯
颯旌旆風飛鳥不敢近鳴噪黃雲慘澹橫低空羽箭雕弧
擁牙纛誓將萬里煙塵掃壯士遨遊今白頭可憐日月空
中老願借霜蹄驟且馳追奔直過流沙道

送張繡楓

時將歸娶

君家住近姑蘇臺門前綠水羣鷗來坐對晴窗誦六甲桃花灼灼當窗開幾年入洛曳珠履筆端所向皆披靡爲惜風光不待人夢魂飛渡吳江水與君一見論心事傾筐倒篋無所忌燕市酒徒今幾人酒酣更灑楊朱淚遙指秋波江上船孤帆颯颯凌蒼煙吳中春草碧於染聊寄相思到日邊

題張少儀望雲圖

天上浮雲無定蹤倏忽變轉隨長風如鳥如衣如擘絮何如游子飄零西復東憶君入洛年華盛路指天門未爲覓十年奔馬走三邊千古才人同一命有才無命奈君何不用悲傷損太和東方且向市中隱甯戚誰當牛下歌幕府

沈沈白日隕出門悵望南天盡南天一望盡浮雲不見黔
陽白髮人白髮一白不可黑游子愁思淚沾臆昨夜風吹
大火流夢魂飛繞芳杜洲芳杜洲前山水隔覺來依舊南
雲白男兒生世不得銘功勒石燕然山岌峩空負頭上冠
會須吸飲藐姑上聊可浮沈賓佐間我聞人情聖人有弗
禁安能低顏齷齪長不歡天空地闊任所適何日開籠放
白鷗

題孫孟然品酒圖

天上酒星地酒泉清者爲聖濁者賢古來聖賢皆愛酒何
獨於今孫孟然吾聞酒者天之祿持以養人生百福長樂
宮中觴九行步兵厨下釀千斛左手持螯右把杯拍浮其
中一生足青田之核衡陽鄴關中白薄高公清松葉鳧花

八風凍竹碧鵝黃
千日醒西蜀東吳
各異造妙香殊色難
知名此間高下有
倫次誰謂醇醪無定
評高堂廣座羅賓
友並坐鼓琴還擊缶
小蠻鑿落紛縱橫
自卯同傾將及酉
積穠那用作經程
笑殺河東惟一斗
君不見阮遙集百錢
挂杖常自隨又不見
山季倫乘驄倒著白
接羅金貂只作
換酒具酩酊憑教無
所知孫郎昂藏天下
士捧罌承槽非
本志胸中壘塊故須
澆一月二十九日
醉車輪括頸庸何
傷失一老兵那復計
披圖故態恍如昨
糟漿之風猶逆鼻
從使人呼老渴羌
我知酒中有真味

發銅陵

大江風急峭帆喧
帆影江聲萬馬奔
朝發銅陵未朝飯
兩山如畫過天門

春日

辛夷零落海棠殘似夢春光取次看人世那堪春幾度夕陽蕭寺獨憑闌

送孫郎還天台

孫郎昔日賦天台金石音聲錦繡才惆悵赤城霞欲盡桃花如夢卻歸來

西山

西山過雨染朝嵐千尺平岡百頃潭
嘯鳥數聲深樹裏屏風十幅寫江南

寄翁兆漆

年少高才始發硯小桃花下戶長扃承歡切至多容色汲古精微入杳冥前輩風流今已邈後堂絲竹汝曾聽西州

門外山如舊從此扁舟不忍停

北秦與余同受業望溪先生門下

魯克恭字伯敬豐潤人雍正己酉舉人官秀水知縣有

野鶴山人詩鈔

寄潘偉修孝廉

隔山山不高隔水水不深山水自渺渺懷君空有心亭閒
闕無人明月掛高林髣髴見美髯履綦不可尋斗酒有異
香孤桐有好音不見玉山頽誰復理瑤琴

韓信釣臺

垂釣自嚴瀨高風屬後來假王空自大真主豈無猜走狗
論功業藏弓失將才涕零淮上士匪直爲君哀

張逢堯字寶南南皮人雍正己酉舉人有鶴沙集

詩話寶南乾隆初赴禮部試寓法源寺與天月禪師訂方外交日與史梧岡曹震亭聯牀唱和寶南詩才

甲申集言日卷之一
豪宕吐棄凡近緣情
遺興庶乎風騷之遺

感懷

秋老霜飛夜奈何
烏衣舊燕痛無多
武陵花識秦漁父
曲水鷓迷晉永和
聲斷蟪蛄窺上古
陣空螻蟻閉南柯
昨宵宴罷麻姑酒
遙聽蓬萊起棹歌

海門雜興

暝愛梨花冷
愛梅小籃拾得翠
雲堆須知方丈山中蝶
盡是軒轅劫後灰
飄渺仙鄉新雁句
清涼天語故人杯
昨宵曾作滄桑夢
多少嘒鶯喚始回

曾劭字翼堂南城人雍正己酉舉人

登天柱峯絕頂

天際真人想於今
可得言東西懸日月
吳楚畫乾坤題壁

飛鼇矯攢巖伏虎尊劃然成一笑翠石落驚猿

振衣千仞處徙倚得奇觀劍指浮雲冷鴉飛落照寒附庸
稱小從鼎立逼幽巒爲念韶光逝山靈誦到難

俯視壑前雲松濤足下聞游人能拔俗到者信超羣石竇
留丹竈金庭闕赤文茫茫天寓近仙眾有誰分

方璫字玉山號懷堂漢陽人雍正己酉副貢官長陽教
諭有南游草懷堂詠物集

舟中九日

九日多風雨孤舟倍鬱陶推蓬見山色扶杖聽江濤人比
黃花瘦秋隨白雁高游懷蕭瑟甚木葉下臨臯

重過墨水湖訪劉響山

綠波春水暮雲低打槳重來路未迷幾樹垂楊臨斷岸嘯

鷺飛在板橋西

夏詔新號樂村姚州人雍正己酉拔貢官瀘州知州

晚舟

歲暮愁思迫催舟趁夕陽水寒波盡黑沙凍草全黃宿鷺
棲洲穩歸鴉繞樹忙江村樵牧絕燈火徧魚梁

顏懋倫字樂清號清谷曲阜人雍正己酉拔貢官鹿邑
知縣有癸乙編端虛吟什一編夷門游草

憶岸堂前草

不須仙鬼論才華絕代風流第一家十度春風思玉笛百
年夜雨哭桃花石門山好秋將盡虛白堂空月欲斜爲語
竹西橋畔客近來名士久浮槎

趙宗猷字相如號龍池西平人雍正己酉拔貢有龍池

居士詩集

新柳

滿眼春光上柳枝風梳月印弄新姿東皇欲織春如錦不待花成早製絲

旅宿安陵答李柱石

客路緣花病愁人雨正多相思一夜夢明月半牀過

梁詩正字養仲號薊林錢塘人雍正庚戌一甲三名進士授編修官至東閣大學士贈太保諡文莊有矢音

集

錢香樹曰 皇上天章布漢二十年中不下萬有餘篇成稟後先生必恭繹強記每遇宣示同直諸臣屬和則先生已成誦矣顧元龍譚若天成諸臣學步如神駿追風驚馬躡後立見頓蹶先生必謹奉繩墨不輕下一字往往同賡一詩先生詩後出其穩稱爾雅同輩歎不如也

詩話高廟御製詩成輒於召見樞臣時口誦命錄
入册長篇往往千數百言非強記絕人不能無遺忘
當時寫詩藁者推汪文端最稱職而文莊次之證以
錢文端序語殆不虛也文莊應制諸作莊雅雍容自
然合節情文相生之妙專家苦吟不過如是張南華
宮詹和詩竝立而成最稱敏捷公則以穩愜勝枚速
馬工各擅能事

恭和御製木變石歌元韻

嵯峨金闕擎銀盤方壺圓嶠翔羣仙天臨海鏡迴龍顏長
松之墜橫雲連入風吹律浮祥煙清都元化資陶甄石林
俯矚崑崙巔五岳丈人擁芝蘭諸孫羅列誇多男香雲吐
潤彌乾坤聿有怪石無比倫沈精幽結忘朝昏三峯具體
華山孫仙掌欲遏渾河奔木山本是千年根蟲鳥剝蝕留
瘢痕靈椿偃蹇桂連卷蒸出芝菌光華鮮牧兒時見青牛
眠鱗紋隱起如連錢天符行雨飛龍翩雷公鼓腹起重淵

長令此物綿天年氣核凝固藏靈權嶼然而實匪自天青
州作貢古有焉植來文囿環義壇峰巒四面無虧全甯止
三品堪隨肩更依瓊樹開瓊田竊窺神變尋真源修羊白
石靈臺存流霞高闕窮扳援文縈五色螭腸穿茯苓虎魄
久益堅厥初祇就松肪論珊瑚不受神農鞭朱柯漸老鐵
網牽物理但作如是觀昆明帳殿臨鯢桓恩漸木石雲章
繁小臣慚負隃麋丸祇欣崖館凝蒼寒側聽雅奏韶鈞然
琬琰騰光萬古傳

恭和御製玉甕歌元韻

金元勝蹟銷沈訖日下撻擗半殘闕瀆山玉海歸然存疑
是搗呵煩神物只孫高宴憶傳觴乞汝神漿憑換骨壺公
縮地元圃開萬斛源通酒龍窟卽看星宿捲波濤似並崑

崙行墜芴冰夷海童驅百怪入與齋偕出與汨巨鱗長鬣
逞飛騰渫雨歆雲驚屑沒洪纖環繞燦星羅拱衛尊嚴
屹屹鐘沈鼎出幾遷貿顯晦總隨元氣嗽蓬萊清淺詫揚
塵繁華瞥眼旋飄歛寶器同淪逐化龍舊錄閒披嚼空胡
曾聞白黑間成章巧手隨宜作窳突恰借縣雲隱翠螭還
留墨點成斑鱗一一狀態入牢籠太極週圓精所鬱自從
方外困齋鹽無復陞前光袞徽廣寒尙想構嵯峩瓊島空
看浪溷渤乃知至寶失所託流落人間愁隍杌我皇稽古
勤蒐討紉縵光華文治蔚偶向僊壇覓曩踪塵澆千秋重
拭拂依然祕殿位置宜合浦珠還氣忽勃苔花剔盡虹彩
飛頓起泥塗更繡鞞髣髴西京鐘簾移賸卻金人猶佗佗
崑岡劫後幾多年不灰僅有鑪中杵好從銀鑿緬遺模何

待荒榛尋斷碣摩挲三市轉增吁得路真堪補黥刑天歌
浩唱涌江海韓蘇石鼓慚銅剛要識遭遇合有時聖情豈
爲玩好扣瑜瑾潛光終必發寶物尙爾賢甯不千金市骨
致神駿長此幽遐無沮滯

恭和御製太液冰嬉元韻

習武羅羣旅臨冬試大觀制因沿國俗職不隸虞官凍合
銀成界流凝玉漱灘招搖迴瞥電空涌駭飛湍乍可嚴裝
結爭夸妙技殫忱先還恐後履險卻趨安目眩驚颺疾心
懷奪錦難長緼橫浦闊圓彈蹴霜寒旋折同環轉殷麟掩
佩珊陸行啞驟馬雲馭陋翔鸞呈巧太微座酬庸上將壇
肄戎家法舊天笑幾迴看

奉勅題古瓷琴

附錄卷之二
燒土乃成壘八音有瓷作桐材易以製取韻果奚若嘗聞
古琴臺列甕苑藏橐鳴絃應虛響風籟轉松壑誰令哀玉
彈翻向陶家託修內重官窑供御想如昨希聲代傳寶長
奉歌風樂賦質謝蟲穿無勞鞠通索古黜隱沈沈沖然具
元泊鑒賞自天題浮光映銅雀

恭和御製和侍郎沈德潛紀恩詩四首元韻

垂紳幾載共趨官松菊今怡老去顏黃髮從容辭帝闕青
蛾迢遞向家山特承宸藻裹耆碩滿載恩波狎鷺鵬信是
儒生稽古力鏡湖一曲詎能班

壯歲棲遲守敝廬策名已是杖鄉餘貞心合作凌雲幹健
尾終爲跋浪魚吳下風騷推已久天邊知遇寵方初年來
試檢賡颺製富過長楊與子虛

去住多爲朝野欽禮優會記昔年吟過歸偶許尋游釣
返猶時望誦箴臣迹忍離雙闕遠聖情直注五湖深草堂
此日盧鴻往何限鳴琴想德情

宮帛攜歸映綠蘿紫團如鳳尾婆娑銜恩長矢瞻雲日養
素無須賦軸邁雅會重尋誇洛社新詩頻詠應漁歌遙知
每飯難忘處清夢時時到禁坡

嵇璜字尚佐一字黼廷晚自號拙修長洲人雍正庚戌
進士改庶吉士授編修官至文淵閣大學士加太子
太保乾隆庚戌重宴瓊林贈太子太師諡文恭有錫

慶堂詩集

詩話稿文敏公以治河奏績遂陟綸扉文恭繼武而
起門材世業與桐城張常熟蔣鼎峙而三然後知留
山先生之忠楊太夫人之節遺澤孔長也詩
應制之作僅存百餘首詞旨平易不失雅音

贈沈歸愚尙書

靈巖山中沈夫子詩壇耆碩誰與比七十成名歷省臺歸
泛五湖逐煙水昨春迎駕淮海濱天子賜詩稱故人浩歌
爲和香雪海山居十首長留春重來爭羨歸愚叟一卷新
詩陳拜手天毫灑落爲題辭李杜高王未曾有今年八十
宜杖朝璇題捧出松鶴標尙方珍賚豈殫述榮光邱屋騰
雲霄都人傾動僚友賀且喜顏髮如童髻柳隄淺淺鶯花
迹冰泮長河挂帆席宸翰殷勤惜解攜十載爲期佇仙掖

題畫

人間何處無仙源塵中回首空雲煙武陵勝游那可復流
水已逝花徒然龍眠才子獨超俗矯如白鶴清如泉潘江
陸海竟傾瀉偶爾逸興追斜川出世有心非避世置身早

在家山前鴨頭小艇落君手桃花錦浪波翻天飛紅如雨
點襟袖風流直與春爭妍清溪百曲見平陸可有秦人舊
種田莫笑南陽劉子驥重來已是三千年向聞安期灑醉
墨爛霞十里烘嬋娟移船不羨天上坐酌酒竟就花間眠
人生到此自可樂何必採藥求神仙問津我亦抱夙志誓
將短襪來延緣但恐君才方負濟川望安能扁舟共泛再
續桃源篇

廣陽道中

盡日青山裏漁樵侶亦稀雲光隨去馬樹色上征衣遠水
含秋落平畦帶雨肥鄉園經歲別到此欲忘歸

村溪放艇

丹楓醉纈暮霞天林外溪聲答澗泉此際何人領秋意偶

飛一葉到漁船

山根好著杉皮屋寂歷無人叩竹扉知是煙波乘興去小舟閒載白雲歸

西成字有年滿洲旗人雍正庚戌進士授禮部主事歷官太常寺卿有玉汝堂集

晚渡西興

吳山今是主更客越山東半月梅時雨一江花信風潮平波瀲灩霧合月朦朧向晚推篷坐漁鐙幾點紅

劉純煒字仰仲號霽菴諸城人雍正庚戌進士歷官光

祿寺卿有霽菴詩略

詩話青岑諸子文正爲乾隆朝賢相霽菴及兄縉昭愚菴弟經煜岫洲維焯見三絃熙恬園絨焜善溪先後登甲乙科服官中外並有詩翰留播家集具見門材之盛

留別長宜

檢點三年事歸裝一葉舟淒涼行色晚慘淡暮雲收結綬
嗟何滯懸車願早休故園松菊在念此倍難留

程盛修字風沂泰州人雍正庚戌進士歷官順天府尹
有夕陽書屋初編南陔松菊集

詩話風沂官御史時輪值經筵進詠史樂府十二章
高宗特諭褒嘉謂其指事寓規詞意婉摯得獻納
之意與泛論經史者不同
賜文綺筆墨以示旌異

詠史樂府十二章

斷罟匡

泗淵漁里革匡斷其罟悟君王君王聞言三歎息阜物防
貪良史職有司藏之無忘規庶幾見罟如見革師存一言
婉而風置革於側無面從不見朝聽忠言夕委棄留衣留

檻皆虛僞前漢皇後宋帝

市價對

臣近市識貴賤我后知不知胡不採衢諺臨淄十萬生齒
多家家粥踊可柰何踊之價浮於屨不噢咻誰歌舞仁人
一言省於刑頓教億兆無詛聲修德更不誅祝史海岱千
秋思晏子

辟戟諍

東方生能直諫守法度黜靡曼何物賣珠兒敢容宣室宴
辟戟陳詞意氣雄侃侃尙有先臣風不見申屠嘉坐丞相
府執法猶能困鄧通

乘船戒

從橋安乘船危千金之子坐不垂莫躓於山躓於垤舉步

何必非嶮巖曉人言真可聽君不驕臣不佞霸陵西馳騁
六飛諫草能教馬首迴

撤屏悟

屏風新畫美人美人顏色傾國姿君王顧之情可移情可
移即可誤賢臣獻規君頓悟不見精勤納諫唐太宗不畫
蛾眉書奏疏

侍宴規

披香殿是隋是唐臣莫辨臣雖似詐其實忠不聞興主營
離宮露臺百金儉德崇

從獵諷

油衣則漏瓦不漏諫議微詞規乃后罷獵從茲慎馳驟禽
荒垂戒古今同拒關不納羸馬供漢門侯魏筆公

佳鷹表

涼州鷹使者諷之獻王廷王者久不貴異物今日何與昔
旨拂君無荒臣有表悉索徵求慎微小旅葵入貢載周書
世間玩好無時無

宮體箴

宮體詩廟堂首倡瓊瑤詞雖綺麗體不正天下靡然歌
詠之朕試卿卿果諫同時尙有王師且翠微宮頌不入選
用筆喻

用筆在心不在筆結密矜莊露神骨司封員外侍書來片
言足使君心一萬幾操縱總心生落筆端人正士形平原
太守顏真卿

觀燈諫

乾元樓矚神京樂熙攘慶太平太平有象張鐙宴君樂須
教民樂徧焉得綺羅筵前千萬鐙照見九州葑屋鵠鳩形

三司告

領三司掌錢穀胡爲不入君王目春秋鼎盛府庫餘豐亨
豫大非良圖不見朝無先識李太初祥符中葉進天書

吳履泰字茹原侯官人雍正庚戌進士改庶吉士授編
修歷官侍讀學士有少箬詩藁

游困關白雲寺

翠竹蒼梧高百尋虎溪徑轉六橋深穿雲石磴晴猶溼礙
日松梢午亦陰坐對飛泉濺落葉聽殘夕梵徹寒林津頭
誰是忘機者柔艣輕舸曉夜心

曹一士字諤廷號濟寰上海人雍正庚戌進士改庶吉

明倫彙編 家範典 卷之二十一
士授編修歷官給事中有四焉齋集

詩話謂廷以制義名晚達官諫垣多所建白其請寬文字之獄禁誣告株連一疏最爲時稱詩非專家沈文慈稱其不肯隨俗時露奇警

訪雍門村

落日彭城上秋原多古人有懷孟嘗客言訪雍門村颯颯
風動樹悠悠樵負薪焉知墓中骨氣壓東西秦無絃發哀
彈千載聲如聞寄謝彈鋏子三窟徒粉紘

謁仲子廟

仲氏遺村古祠堂濟水陰結纓千載志負米一生心斜日
聊捫碣清飈乍拂鐔車裘非我有此義到于今

鸚鵡

飄零綠羽向秋陰風雨時能惠好音老去詩篇多錯落閒

來佛偈費沈吟十年廡下高人跡萬里秦山故國心惆悵
雲霄空有志病軀擬共息長林

卽事呈滄洲師

百折孤忠奉至尊黃楊閏後厄還存臣心似水甘分謗天
語如雷敢負恩直恐漢廷成黨禍重教楚澤有冤魂三吳
父老頻遮道聖世何煩叫九闈
芻牧艱難罪不辭煙消日出秣陵時再生頂踵皆君賜三
黜功名是數奇歸夢千山驚虎豹家園八口寄耘耔國恩
未報身焉往鴉鳩鳴殘鬢欲絲

伊福訥字兼五號抑堂滿洲旗人雍正庚戌進士由主

事歷官御史

薛話抑堂輯白山詩鈔自康熙中年至乾隆初得六
十二家蓋多及見者而以己作附焉諸家皆首列仕

履兼及品許用牧齋列朝詩集秀野元詩選例也而
壓卷紫幢居士獨關先後排比不甚按行輩又未分
卷熙朝雅頌集凡例中言其未卒業信然自此書
採錄者亦正不少抑堂詩風骨道上波瀾老成在同
時儔侶中當出保雨村蘇
雷巖卓誤菴諸人之右

次韻車宜年民部感春詩

花半闌珊月半規車輪無恙競刀錐夢中亦覺生三耳畫
裏焉能鬪十眉雁到春來翻北向鵬須海運始南爲何當
載酒橫簫去風雨荒山讀斷碑

何須舉扇障元規不對陰符濫引錐殿角涼風消渴夢
前新樣入時眉少年雅自清狂在晚節猶堪闕略爲試問
襄陽杜元凱幾番陵谷到殘碑

丙寅除夕

鼎鼎復堂堂流年亦太忙驚心來不已彈指去何鄉且喜

鐙如月休歌鏡有霜團圓小兒女歡笑勸椒觴

次韻查儉堂主事移居

牆角幾疊倪迂山高檐冷滴松梢煙市南屋宇苦喧隘此
間氣象何蕭然左桐右竹蹊徑別頓令杖履疑林泉平臺
三面敞虛碧隔城翠靄浮晴川飄風偶送市聲遠飛塵不
到苔階前主人習靜悅幽賞聿來正值初寒天瘦藤倚石
霜色老文紗卷日晨光妍位置家具各得所依稀風趣思
南田初白移居富吟詠佳話傳自康熙年琳瑯繼和復今
日玉峯交映增便娟三徑已遲求仲至一榻應待徐生眠
層軒看月樹入畫石欄點筆人如仙何必山亭與澗戶自
無俗狀能攀緣第五橋邊夕陽路臨風載誦停雲篇

故友音布字聞遠又自號雙峯居士工書嗜酒往往

不與人書其所善雖弗請亦與也以故多所不合
竟以諸生老板橋鄭變爲長歌以哀之詞旨悲愴
余讀之深慨夫故舊之存歿爲作是歌

吾鄉書法雙峯豪藏帖千本如屋高摩挲寢食四十載鎔
鑄昔喆神囂囂平生愛友兼愛酒酒酣始肯揮霜毫筆圓
墨潤腕肘活往來如運庖丁刀楷法端莊雜流麗九華春
殿金環搖草書怪變莫方物規矩巧隨風雨交雲屯海立
露蛟蜃巨石大木趨波濤觀者屏息不得語甬道九絕神
兵塵歎然卻立更呼酒紙上餘力猶騰跳長安城中貴介
子高車大馬行相邀等閒隻字未易得笑謂卿輩非吾曹
琳宮梵宇偶獨往要尋殘碣窺前朝沙彌衲子喜一至爭
煎佳茗沽春醪解衣磅礴數十紙戲拍僧頂如空瓢晚游

西園號老友

聞遠晚年游康
郡王雅重之

葛衣竹杖從逍遙西園賓客

多雋雅一一心折同僚相賞獨有板橋鄭酒場棋墅恆
連鑣歌呼爾汝任所適非云名士矜高標板橋作字自奇
古衾被畫破多吳綃章草篆籀隨手掇懶同時輩爲推敲
喜共雙峯遇都下韓陵片石尊瓊瑤戲鴻雲鶴互傾倒家
雞野鷺由詆嘲卽今雙峯墓木拱荒原冷落迷蓬蒿猶復
長歌致深慨淒音激越兼風騷寄我一篇寒月夕燭花如
豆熒虛寮命兒細讀再三聽涔涔老淚垂青袍獨鶴無聲
斗杓轉百靈下集雲旂飄懷人感舊渺何極有酒難向霜
空澆嗟乎雙峯已矣板橋遠使我白髮空蕭蕭

初寒

霜餘風力緊池水見冰痕落葉聚空巷飢鳥投遠村杯深

山酒薄火細竹爐温病客將寒菊蕭然日掩門

與客圍鑪話匏樽亦盡歡意非矜曠達老恥託飢寒亂草
搜蟬篋寒花上鵝冠破琴霜韻古酒罷爲君彈

章秉銓字衡三號淡園南城人雍正庚戌進士官禮部

主事有淡園集

出東郭至薦福寺

漠漠禪院寂蕭蕭落葉深晏坐復何有磬聲動寒林慈烏
時一至水石清禪心微風發纖籟冷若魚山音曰余身世
役百念載浮沈對此一茫然千佛入我襟竦身上高閣晴
空下森森竚立默無言片雲出遙岑

鄱陽懷古

上游當日控荆襄戰鼓黃雲壓建康一敗遂成隆準帝百

年空笑夥頤王秋風草色餘殘壘孤艇波聲滿夕陽惟有
忠魂難泯滅靈旗風雨在康郎

次百川前輩韻贈春到園主人

逃佛西崦日鼓懸禪狐山鬼也周旋觀河面皺飛騰日理
髮心長跌宕年事去已隨秋葉脫愁來還似夏蠶眠紅牙
班管都無賴欲學成連竟刺船

沈世楓字東田號切堂歸安人雍正庚戌進士歷官湖
北布政使降湖南按察使有十笏齋詩

燕子磯

千尋墜石瞰江堦絕迹凌空勢欲翽神物無風翻駭浪潛
靈挾雨出重淵巖虛竚襟工延月樹接枝柯不漏天試上
離宮最高處金焦兩點入蒼煙

寶華山

複嶺重岡輦路斜蓮臺高護梵王家潭深應有魚龍伏山
靜惟聞鳥雀譁銅殿慈雲環寶相石壇法雨散天花寺僧
亦切瞻雲願爭掃璇宮迓翠華

日下書懷

昔我初挾策年當弱冠餘中外四十載還復來帝都城闕
增氣象市闌多歡娛衣冠徠遠服第宅耀長衢袞袞臺省
中奕奕英乂居曩時同學者朗若晨星疎偶逢一二人相
揖訝髭鬚所遇非舊觀老大增長吁

皎皎雙白鶴愛養在庭階豈無萬里心欲飛且徘徊一從
離鄉里星紀幾遷推春陰覆慈竹同谷嗟孔懷長抱茂陵
疾幾動莊舄哀爲念國恩重方寸時紫洞舉頭戀雙闕不

上望鄉臺

徐市務汗漫文成何荒渺嬰姪事非真蓬萊路亦杳金石
多誤人反以速其老人生倏如寄養身自有道心恬理自
順德浴身克澡錢鏗不爲壽顏子豈爲天三命有盡期榮
名爲永寶

陳德正字醇叔號葛城安州人雍正庚戌進士授吏部

主事歷官陝西按察使有葛城詩藁

朱石君曰醇叔詩上湖建安下

逮長吉心摹手追劇有心得
詩話醇叔詩多擬古樂府藉以發抒其身世悲歡之
感深老莊之學偶見於詩中其超悟處頗足發人深
省

田家詩

今年禾黍好穀賤愁熟荒兩稅半折色無物充官糧薄田

明倫彙編 家範典 卷一百一十一
三
十數畝婦子終歲忙衣裳苦不早野外饒風霜昨夜府帖
下新設常平倉誰無久遠計飢寒實未遑人言太平世耕
鑿兩相忘但願長無擾恩膏非所望
膏腴無舊業安得辭苦辛傾貲輸官府絲粒誰上身追呼
幸得免所傷非饗貧連年遭水旱無力事耕耘夜深望雲
漢杲杲天無雲四鄰煙火絕最苦繫荒春呼兒收橡栗日
入還負薪桃源邈已閉後此無問津

太安驛

石山如旋螺土山如拾級百里山行間登陟窮險澁岡巒
紛合杳嵐霧與出入攀緣越嶺重顛頓經坎習頻驚霜露
繁稍喜人煙集懸磴逐鳥迴墳壤屹壁立團欒蔭榆柳高
下錯原隰旅悵曠欲釋佳境靜可挹笑爲父老言秋茅行

將葺

游釣突泉

萬斛湧地出一氣恣噴薄橫瀉獨潺湲直上誰激搏虹垂
浪蹴立珠錯波翻落咽石聲喧脰照日光的鑠應知造化
奇不假人工鑿翕闕祕元闕往來一橐籥竅開鼓愈張機
轉流不涸芥納通一源派引分萬壑泛衍交淪漪澄深杳
渟著塵纓清可濯瓢飲旨堪酌緬想乘槎游自得觀濠樂
倚檻悵躊躇無由御黃鶴

游歷山

泉冷石氣清雨滌山容淨行行蒼藹中一往乘幽興迢遞
陟層巒盤曲上危磴地閒草木春人遠禽魚靜賞愛情屢
延懷新路無定陰知嵐霧滋密識松篁映挹翠釋煩襟濯

形附卷言臣卷二十一
三
流浣塵聽眷彼雲物奇悅茲山水性向晚憩精廬帶月下
樵徑回首望煙扉隔蘿嫋清磬

長歌行

日月逝不處少壯能幾時行行薄暮景去去不可追衰顏
坐自槁華髮無再緇天運有時極人壽安可希飲食豢形
體魂魄來居之吾生一僑舍日久終須辭所憂名未立腐
草忽同歸茫茫百世後知我復爲誰寸心攬萬古中亦有
所持長歌泣泗下千載魂同悲

昇天行

神仙不可學性命夙所同雲天莽遼闊噓吸元相通落地
遂淪隔仰視空夢夢安知青雲祕不出元胎中晶晶白日
上靄靄金銀宮天衢洞豁達飛觀交玲瓏正氣良有由踵

息綿無窮塊虛括元化倪動分鴻濛飄飄載營魄雲壁開
重重銀河泛清淺下指扶桑紅共觸孰爲折燭鍊孰爲功
杜之闕朕兆恢之彌穹窿谷神諒斯在何事從赤松

歸里

七歲竄遐荒玉門幸生入久霾沙磧場形骸空骨立到門
人不識親戚盡垂泣相對疑夢中無語聲嗚咽驚魂滯天
外恍惚招未集久客乍還家反覺非所習觸物增感端百
憂紛相襲往事何足陳傷心悔無及

秋日閑居

負郭無舊業依市纔數椽衣食苦不給藜藿充朝餐敝裘
衾復被野外氣早寒蕭條守壤堵蓬扉晝常關人生分有
定隨在皆可安此心旣無累俯仰俱寬然閑居玩物化生

明倫彙編 家範典 卷之二十一
三
意益目前適然意有會興至遂忘言萬物性各得吾心別
有天逍遙人間世聊用窮歲年

過潼關

秦關百二重沃野橫千里一經穿詰屈險窄不容軌太華
與首陽兩崖並雄峙黃河走中間神龍掉其尾鑿幽開門
戶設險良爲此乾坤茲奧區壯哉山河美緬想嬴秦初吞
噬奮長鬚六合混一家穀函正東啟興亡不一姓城郭今
猶是衰柳帶行人頽陽沒殘壘立馬重徘徊蒼蒼暮煙起

懷仙歌

罡風簸空爛金石蓬萊夜半沈海水黃芽白雪總虛名長
生有道非不死青雲無梯不可升九重八柱高層層水火
依然後天物中有元化苞真靈圓成堅固無休息不煉服

食煉道德子珠生處是殺機綿綿踵息通無極化精爲氣
氣爲神漠然虛白中無魂性命有門造化始南華真人古
仙子

古劍歌

魚腸古製世所貴不在鋒芒在神氣霜花照眼色正明百
煉精金成寶器匣開夜半流電驚熊光直上插青冥鐵骨
堅凝月魄死晶芒銳吐幽磷腥脊高脅突星文直濡縷吹
毛捫不得雕績何須珠玉裝刮磨不受銅花蝕牀頭風雨
蒼龍吟用殺止殺仁者心失身荆聶良可恥凜凜三尺橫
天倚

題襄陽邱相國絕命詞後

蝮蛇橫海沈鼉極宵旰十年坐亡國煤山風雨懸高枝龍

一
三
髯一去攀不得箕尾晶晶射霄漢罵賊舌在光如電高皇
孝皇靈有無血淚模糊眼中見左攜國殤右山鬼毅魄千
秋長不死荒陵月黑魂歸來青燐照樹陰飈起

元祐黨籍碑

國運士氣相終始衣冠流禍何時已事由我輩半激成調
停未罷紹述起當時特標亂政臣豐碑矗立端禮門子孫
禁錮身繫累嶺南萬里猶君恩司空門下臣京記夷列罪
狀分次第某也首惡某附麗前書具官後姓字頒之天下
垂萬世天下萬世不可欺恩仇反覆競一時小人自爲門
戶計好惡誰能移是非石雖可毀名不滅千載凜然見高
節史家記載未能詳賴有此碑上論列慶歷之世已萌芽
中間蜀洛更紛拏包荒無力伏莽發一時互指爲奸邪剝

削隱然在元氣放逐殛流日多事祖宗培植幾百年可憐
一網無遺類消長從茲治亂分官家別用一番人君不見
厚陵松柏寒食路社飯明年思老身

驪山溫泉

金烏飛入重泉底烈焰燒山漱山髓陰陽失位水火爭一
泓鼎沸神蛟死本是元黃血所變劫灰燼熱煽幽燄文瑤
密石漾中流溶溶春暖迴深殿華清賜浴承恩始遺恨千
年成禍水望春新賜洗兒錢翻渦十丈黃虬起

商盤字蒼雨號寶意會稽人雍正庚戌進士歷官元江

知州有質園詩集

詩話寶意幼時作新蟬詩紅葉白燕諸賦年十九與
同學結社著小山叢桂集質園者高氏別業在越之
土城山相傳爲句踐教西子歌舞處亭臺花竹甲於
一郡寶意束髮就傅吟詠其間生平作詩及萬刪存

三千首晚年採國朝同郡人詩題曰越風夙精音律
伶人度曲輒自吹簫和之詩初仿玉谿既而出入杜
韓元白蘇陸間歌行尤瑰麗縱恣跌宕
宕自喜才情富瞻與厲樊榭名相埒

送吳好山之楚南

數聲橫笛起江樓旅雁南征去不留人似六朝工賦別地
當三楚易悲秋香蘅好作靈均佩寶瑟能傳帝子愁知有
沅湘懷古意叩舷吟向白蘋洲

溪山草閣

秋風吹木葉忽送萬山聲清梵有時斷淡雲無限生浴溪
雙鷺下洗鉢一僧行不道閒麋鹿都含佛性情

夢章竹香急裝驟馬云自秦中反太原次日得其近

問與夢相符異而紀之

夜雪貂裘冷思君入太原關山邈何處肝膽向誰論朱鷺

曾聽曲青萍擬報恩侯生慷慨意回首信陵門

夢裏輕裝別朝來尺素通百千萬里外三十六鱗中草向
王孫碧花開戰地紅歸時談絕塞駟驥舊秦風

秣陵秋晚逢陳無波吳好山兩同學

老柳石城秋能生六代愁江山如舊識今古幾清游書記
雙名士風霜一傲裘空思紈綺歲談笑脫吳鉤

太息金焦長依然冰雪清飛騰當暮景四十未專城聽雨
萍蓬合看雲組綬輕徒慙龔渤海治郡有循聲

沈南蘋畫花鳥歌

宣和御府立畫學甲乙品題無謬錯孔雀升墩馬踏花古
絹爛編宋時作日本之國東海隅其俗善畫藏圖書忽慕
中華出林呂遂將上幣延邊徐江南高手誰第一吳興沈

生世無匹應聘初爲異域行袖中攜得通靈筆大開畫院
長崎島海蜃天雞寫生巧掛壁將軍不厭看展屏國主常
稱好侏儻通語歷三年萬鎰歸裝萬斛船異貝純金隨手
散但存綵管揮雲煙還鄉重對鶯花寫貌古神清意閒雅
舊侶空思高大夫新交偶值崔司馬與君相對論今昔旅
鬢蕭蕭半垂白未信前身是畫家誰云曠代非詞伯吾聞
新羅曾請穎士師雞林亦織弓衣詩退方愛文兼愛畫丹
青中土無人知從來絕藝難爲用壯夫烈士增悲痛南粵
能資陸賈歸西京未取揚雄重先生閱世如泡漚澹然榮
利忘恩仇生香活色動腕指蘊含元化天爲愁勸君且莫
傷遲暮坎壈纏身原有數好進邠風稼穡圖漫傳花蕊宮

詞句

登迎江寺浮圖

朝登太觀亭晚到迎江寺竦身入雲中千里絕蒙蔽雞犬
無近聲鵬鵬有遠勢江山與城郭混茫浮一氣乃知最高
處原不阻人至十載游三吳攬盡六朝麗放眼苦不寬多
緣在平地茲塔峙江干閱歷婆娑世現此不壞軀佛力何
最屢疑有阿育王神光分舍利愧非人天目一一窮元秘
得魚筌可忘到岸筏應棄此來亦雪鴻踪迹毋須記

西南諸土司以容美永順爲強盛連朝經其舊居賦
詩以志率服

蒼重翠複半蒿萊大長田彭去不回春老西川嗚怨魄時
移南粵賸荒臺宣威久已平蠻徼負固何曾釀禍胎漫道
五溪餘習改撫綏正藉出羣才

明詩集卷之十一
拓開熊繹舊封疆玉斧金甌氣象昌秋浦巨鼇留故窟春
風叢竹問何王軍書諭蜀先耆老武略平羌勝漢唐儂指
古今沿革局華風邊月兩茫茫

來鳳山連賀虎坪寂寥遺宅尙分明曾無上將坑降卒豈
有王師敵寇兵赤狄烏孫齊納款渠投回紇早輸誠參軍
蠻府蕭閒甚勒馬題詩滴博營

椒酒纔傾令節尊勾芒徧到百家村層巒歲久懸危象芳
草春回掩燒痕未可高深憑地利盡教獐棘戴天恩采風
聞有乘輅使安得披圖與細論

歸程詠懷

瑟瑟涼生柳數行蝦鬚簾外有風霜人辭白下秋偏早歲
過黃門鬢漸蒼還璧音塵隨逝水憑闌心事寄斜陽欲將

智慧除煩惱未敢臨風憶建康

舟行

南楚蒼涼地羈懷鎖不開眾山津市盡

諺云津市不須一問行到山兒盡一

水澧州來道遠思公子時平失伯才離騷千古意唐景有餘哀

花信番番至東風勝剪刀春寒添縹緲瀨淺閣舸艚赤豹甯無從芳蘭尙有皋溯洄吟未罷出聽舞鯨鼇

登壺關

長房妙術莫驚猜人向壺中出入來漢世應留三老在蜀都枉費五丁開文犀桂蠹年猶貢蘆管花鈴俗要培眞覺太平無一事羽書露布不須裁

巴東

明倫彙編 詩部 卷之二十一
三
絮雨繪雲勸小留山城如帶暫維舟喚回吳苑三生夢來
共巴猿五夜愁木末芙蓉長在手天涯霜雪漸盈頭秋風
亭下秋風客潦倒秋風是此游

泊湖口

全家安隱託舸艚浩蕩東行未覺勞臨水有城如郭索

湖縣臨江濱湖兩鐘山排列形如蟹螯故名蟹城試鐘何石是蒲牢春帆宛轉吟情

遠戍角蒼涼夜氣高十載涉江稱漫叟媿無警句壓波濤
劉曄潭字湘客號碧江一號達齋長沙人雍正庚戌進

士歷官梧州知府有達齋偶存藁

新田學齋雜詩

獨坐心常遠高吟興不闌蟲聲同歎息花影共荒寒歲歉
一方窘官微入口安西風吹正急隨意理豪端

劉暉澤字芳玖一字茗柯號芋田長沙人雍正庚戌進士乾隆丙辰薦舉博學鴻詞官松江同知有斯馨堂集

宿玉峯庵

秋雨漲前溪山行徑轉迷誰言僧寺遠只在竹林西殿豁諸天迴雲含眾岫低玉峯閒倚立高處一留題

次韻壽彭警庵舅氏

章門放櫂灑然還歸奉慈幃色笑閒繞屋碧生春澗水登樓青送隔城山興來詩思何曾減老至名心已漸刪新酒熟時澆甲子醉吟鎮日自追攀

馬長淑字漢荀號蓼亭安邱人雍正庚戌進士歷官磁州知州有括齋詩集

獻縣題壁

曉起辭逆旅，憇憇馬首東。草枯看地闊，木落覺天空。客路
憐裘敝，民居望歲豐。十年慚作吏，頭白已成翁。

袁守定字叔論，號易齋。豐城人。雍正庚戌進士官芷江
知縣，擢主事。有未學詩鈔。

曲周雜詩

稚節爲州邑，白首仍傲吏。匪敢薄微官，佛民心所悸。維民
君所天，何爲草菅視。俯己遂其求，以此畢吾事。吾道貴宜
時，宜時良匪易。道味爲之根，嘗恐迄失墜。悃悃物所依，隆
想不能至。歡棕生淡泊，至理契勞勤。治幹非所云，洞然期
此意。

仲夏時雨至，野水滿芳塘。清颺吹四鄙，蒲葦散餘香。我聞

良有司國脈爲靈長陰陽俯從之百卉繁以昌偶行見蕪
田怒焉心內傷自顧無善術何由致嘉藏廣廣阡陌中皆
我子弟行惟民知我拙不以巧相嘗曷用慰所期獨立空
傍徨

衙鼓奏惠風晨色豁幽室清露滴階莓庭樹滋以茁歡言
就花徑意翻有所失曰余縲寸組何乃游於逸超興道不
存懷安物已疾惠以積誠流事由精氣畢訟帖有餘甘所
樂非縲帙了焉撫念始持之在專一

退谷雜詠

賤子謝世紛屏居依山麓我生皆退期因以退名谷谷中
化宇寬欣然滋百族紫芥恣朝甕綠蘿充時服抱樸轉爲
光煢和恆自足羣鳥弄載陽吾氣與之淑景風吹蘭林几

席自流馥眷言協幽襟罔知四運速念茲歷年所悠哉得
歸宿

時序逐流川退谷春已暮春暮各有營驅犢上村路徇祿
意多作食力勤所務芒屨染芳菲卉衣生煙霧浮雲過隴
頭輟耕而有悟卽此爲形役況乃勤世故人事會有終於
何加吾素緬彼方輿中率爲居室誤

王爾鑑字熊峰盧氏人雍正庚戌進士官山東知縣有
二東詩草

尼山

寰中五嶽插天起神龍半隱青霄裏鍾靈何地無偉人毓
聖特異尼之址可知名山不在高地靈往往生英豪一自
麟書降祥後眾山羅列皆兒曹亭亭五峰中圩頂其餘四

配若引領青蔥環繞文德林儼然三千七十依壇杏尼山
之尊亦如岱嶽尊那許太華恆霍嵩高與之並上有中和
壑下有坤靈洞智源溪水浩瀚流沿流討源者頗眾關闕
濂洛支派通大海朝宗百川共一泓活水千秋澄誰向智
源窺體用觀川亭前石罅如刀劈一線幽深荒蘚積安得
五丁鑿破雲霧堆瞥見天光萬重關西南諸峰拱如屏五
峰上映五老星當年顏母山頭禱神哉木葉隨降升天生
聖哲事豈偶一山不世鍾坤靈平生是山切仰止作吏何
緣地鄰此只今小憇幽崖前猶憶春風浴沂水由來山水
清音多彷彿金石絲竹之聲悅吾耳五峰林密浮蒼煙樞
衣未敢憑其巔

觀嶧山牧牛歌

明倫彙編 家範典 卷之二十一
三十一
牧兒驅牛曉滿嶧羣牛亂石橫山脊起者伏者石如牛卧
者立者牛如石忽然扣角一長歌南山白石紛坡陀腰間
插斧口吹笛頭戴笠子肩披蓑醉眠芳草松風下飲犢歸
來月在野借問世上悠悠兒誰似山中牧牛者

贈童子張昌

君不見張氏之子玉一片四座驚看弄筆硯蹲身據案用
全力雙眸炯炯如掣電文章氣骨峻且奇格雖未老綽有
姿染翰更能作大字楷書杜曲早朝詩爾家九齡飽經史
文陳終古稱雄師爾年九齡已如此當以九齡期望之

汪振甲字昆鯨錢塘人雍正庚戌進士官桐城知縣有

詹詹集

游近溪題亦諳上人精舍

泠泠近溪水密篠散清涼綠澗鬪山藥捫蘿陟崇岡上有
嘉樹林下有澄湖光息機白足侶新詩託幽芳游衍憺忘
歸何時重褰裳

烏石峯同葉立三賦

寒山黑芙蓉環繞蔭嘉木摩挲倚虬松翠蒨愛深竹朋游
亦偶然僧話頗不俗墨妙人間稀安得時屬目
高岡生清風欣賞耽闐寂結茅凌絕頂湖光敞虛白老樹
成古今青山孰主客曾聞靜生慧此理叩君析

戚改言字魏亭號渭艇德清人雍正庚戌進士官連江

知縣

詩話魏亭父成甯古塔屢出闕省視既得第作宰刺
血爲書乞制府入告乃赦其父還奉迎至官解纜一
年而卒魏亭哀毀
骨立未終喪亦卒

明倫彙編 家範典 卷之二十一
三
送弁亭弟赴禾中

忍痛還當讀父書，莫辜遺訓負居諸。已憐寸草暉難報，況是飛雲望亦虛。鑿柄呻吟悲杜甫，樹風寂靜泣皋魚。鵝原慚愧鳴聲急，棣鄂荆花總未舒。

晚晴移詩匯卷六十七終